

LEFASE LE A ŠWALALANA

 Kgonthe monyetla wo mobotse go ba fa, go be go theetšeng mabopaki a makaone a go tšwa go banešu ba bao ba ratanago le Morena Jesu wa rena. Bjale, ke sa phela ka tšh—tšh... Ke tla reng? Tšušumetšo ke e amogetšego go tšwa go molaetša, wo mongwe wa yona, mantšiboeng a go feta; nnete, yohle ya yona. Eupša o ntšušumeditše, go ngwanešu yo fa, go naganeng ka teko ya gagwe; boka A dirile, a lekile Jobo, gomme, eupša o bile go menagana gabedi mo bofelong. Gomme ke nagana go a kgahliša go dula tikologong, go theetša bopaki bja yo mongwe, gona o kgonia go bapetša bophelo bja bona.

² Ke rerile go seo e se kgale ka Phoenix, “go itsebagatša renabeng le Kriste,” le go itsebagatša renabeng le Yena ka Beibeleng. Ge nkabe re phele ka letšatšing lela, ke sehlopha sefe re tla tsebagatšwago le sona?

³ Gona, bošegong bja go feta, ge Ngwanešu Crow, ke a dumela leo e be e le leina la gagwe, yoo a re tliseditšego molaetša wo mokaone wo wa bopaki bja gagwe. Re be re dutše fale, dinakwana di se kae tša go feta, re bapetša bophelo bja rena seng. Gomme bobedi go beng Baptist; boramatswele ba maloba, le go ya pele, le dintwa tša rena tša mafelelo, se se diregilego. Gomme gona kgonthe ke ipshinne ka seo. Ke thakgetše ba e theipile.

⁴ Gomme bjale, mosong wo, ke a tseba re ne mo—mo moletlwana goba lantše fa, bakeng sa badiredi, feela mo nakwaneng ye nnyane. Gomme—gomme... [Ngwanešu o re, “Aowa. Ke banna bohole, mosong wo.”—Mor.] O reng? [“Magagešo ohle—ohle a banna.”] Magagešo a banna. Ee. Gomme morago, bošegong bjo, ke nagana gore moletlwana o kua... [“Badiredi, e ka ba mang a nyakago, banna bohole ba nyakago go tla.”] Ya. Monna kapa mang, modiredi goba moleloko. [Ngwanešu Demos Shakarian o re, “La—la—la lantše ga e go fihla ka seripa sa lesomepedi.”] Seripa sa lesomepedi. [“Kafao yeo ke iri tše pedi—tše pedi, iri tše pedi le seripa, diiri tše pedi go tloga bjale. Le a bona?”] Motho wa mogau, Ngwanešu Shakarian, le mosadimogatša wa gagwe.

⁵ Kgaetšedi Williams, ke be ke eya go bolela se sengwe, eupša nka se ke. Ngwanešu Carl, bopaki bja gagwe, nakwana ya go feta, bo be bo kgahliša. Kafao ke... Lekga la pele nkilego ka tseba seo, bokgole bjoo ke go tsebilego, eupša go bile—go bile kaone kudu. Ke—ke hwetša thuto ka dilo tšohle. A ga re? Nnete.

⁶ Kafao, gona, bošegong bjo, ke ya go bolela ka sehlogo, bošegong bjo, ge Morena a rata, “Fale ba Mmapotše.”

⁷ Gomme bjale, lehono, feela bakeng sa phetogo ye nnyane ya leemo, pele re bolela ka sehlogo se sennyane. Ke tla ka go

toropokgolo ya lena, maabane, lekga la ka la mathomo, e ba lekga la ka la bobedi go bolela. Ke bile le...Ka New Mexico, ke bile le kopano gatee tlase ka Carlsbad, bakeng sa mašego a se makae. Eupša ga se nke ka ba le monyetla wa go tleng fa go lefelo le la go ratega le, peleng. Gomme ke—ke rata go tla ka gare ka pele, le mokgwa wa go ikwela go dikologa le go bona... se tlhoko ya toropokgolo e lego. Bjale, ga ra swanela go tsoge ra tla toropongkgolo, bjalo ka badiredi...

⁸ Bjale, borakgwebo, ye ke khonferense. Le fa go bolela kgwebo ya lena, le ditlalelo tša lena le ditšhegofatšo, go di abelana mmogo. Gomme seo se kaone kudu.

⁹ Eupša bjalo ka modiredi wa Kriste, re tla fa go hwetša seemo sa semoya. Gomme gona e sego go tla fa go kwewa goba go bonwa, eupša re tla fa go dira se sengwe go tagafatša Modimo, go tliša selo go—go kwešišo ye kaone ya Modimo. Gomme bjale ke fetotše sehlogo sa ka, mosong wo.

¹⁰ Gomme bjale, pele re bala Lengwalo, ke a makala ge re ka kgona go ema feela bakeng sa tsela ya go fetola boemo lebaka la dinakwana di se kae, bakeng sa lentšu la thapelo. Gomme bjale, pele re rapela, ge go ka ba mang fa a ka ratago go gopolwa ka thapelong, o ka no phagamiša diatla tša gago. Ga go kgathale se e lego, O tseba se se lego ka tlase ga seatla sa gago. Gomme ke ne bobedi tša ka godimo.

A re inamišeng dihlogo tša rena bjale, ge re Mmatamela.

¹¹ Tate wa rena wa Magodimong, re batho ba ba hlogenolofetšego kudu go be re dutše mmogo lehono ka mafelong a Legodimong ka go Kriste Jesu, ka Moya o tee, bohole re kolobeleditšwe ka go Mmele o tee wo, gomme re ne monyetla wa go dula fa mmogo le go abelana ditšhegofatšo tša mabopaki a ba, bana ba Gago.

¹² Gomme bjale, bjalo ka ge iri e eba thari, re ka se nyake go tsena nako ye bohlokwa kudu ye, go karolo ya ka go boleleng le batho, ka go tšhoga, goba go nagana re swanetše go itlhaganela go tšwa. Eupša re rapela gore O tla homotša menagano ya rena, dinakwana di se kae, le go theetše go ya pele dikgothatšo tša Gago go rena, le ditshebotšo tša Gago. Gomme ke tla leta go Wena, Tate, bakeng sa dilo tše.

¹³ Gomme bjale re rapela gore O tla šegofatša lekala le la borakgwebo, Bakriste ba, banna ba Ebangedi ya go tlala, gore bopaki bja bona bo fele bo phatlalala bokgole le bopapetla, go letago le tlhompho ya Morena wa rena.

¹⁴ Gomme bjale re thabile go tseba gore go tla nako ge mebušo ya lefase le e tla ba mebušo ya Morena wa rena le Kriste wa Gagwe, gore re tla buša le go rena mo lefaseng le Yena, mengwaga ye sekete. Re lebeletše pele go nako yeo. Gomme go kweng banna ba bolela ka meleko ya bona, le ka fao Sathane a tšeetšego Morena wa rena godimo ka godimo ga thaba, gomme

mo nakwaneng ya nako o Mmontšitše dipušo tšohle le mebušo ya lefase, gomme a Mmapaletša yona, eupša O e ganne tha, gobane O tsebile gore letšatši le lengwe O be a eya go ba mojabohwa wa yona. Gomme ga re lebelele go dilo tše di yago pele tša lebakanyana kudu bjale, eupša re lebelela go bofelo bja tsela, moo meputso e fiwago.

¹⁵ Tate, re a rapela, mosong wo, gore O tla dira dipelo tša rena go botega pele ga Gago, ge re theetša. Rapela gore O tla bolela le rena, Morena, ka dipounama tša setho. Anke re Go kwe ka ditsebe tša setho. Gomme morago anke rena, go boetšeng, re obamele se sengwe le se sengwe O re laelago. Re leta go Wena bjale ge re bala Lentšu la Gago le lekgethwa kudu, go fao motheo wa tumelo ya rena—ya rena o letšego ka go Lentšu le le ngwadilwego. Re e kgopela ka Leina la Jesu Kriste. Amene.

Le ka dula.

¹⁶ Gomme bjale, ka go Lentšu, ke tla rata go lena go phetla bakeng sa dipalo tše di se go kae tša Lengwalo, gagolo mafelo a mabedi, bakeng sa dinoutso di se kae tše ke di ngwadilego fa, tšeou ke tla ratago, boka thuto ya sekolo sa Lamorena, go swayaswaya go tšona lebaka la dinakwana di se kae, ge le rata. Doiteronomio 4, pele, Doiteronomio 4:10 le 11. Ke tla rata go bala ditemana tše.

Gagolo letšatši lela o emego pele ga MORENA Modimo wa gago ka Horebe, le ge MORENA a rile go nna, Botha batho mmogo, gomme Ke tla tše bona go kwa mantšu a ka, gore ba ithute go mpoifa matšatši ohle ao ba tlago phela godimo ga lefase, le gore ba ke ba rute bana ba bona.

Gomme o tlie kgauswi le go ema ka tlase ga thaba; gomme thaba e swele ka mollo ka magareng ga legodimo, gomme a maso maru, le bokoto bja leswiswi.

¹⁷ Gomme morago ka go Bahebere 12:25. Re bala Mantšu a go tšwa go Bahebere 12:25.

Bonang gore ga le gane yena yoo a boleLAGO. Gobane ge ba sa phonyokga baše ba mo gannego yoo a boletšego mo lefaseng, ke bontši kudu rena re ka se phonyokgego, ge re šikologa go . . . yoo a boleLAGO go tšwa le . . . yena yoo a boleLAGO go tšwa legodimong:

¹⁸ Bjale, ao ke mohuta wa Mantšu a go aroga go ka balwa go—go difihlolo tša borakgwebo, eupša anke Morena a šegofatšē Ona go dipelo tša rena. Gomme bjale ke tla rata go tšeа sehlogo se sennyane se. Seo ke bego . . . Mosong wo, go be go le pelong ya ka go bolela ka sehlogo, “Madi go Molaetša.” Gomme ke nno feta ka thoko seo, ka lebaka la lebaka tsoko, ke sa tsebe gobaneng. Eupša ke nyaka go dira sehlogo fa, mosong wo, sa go aroga, eupša ke se reele: *Lefase Le A Šwalalana*. Seo ke sehlogo se arogilego, eupša ke—ke ikwela go hlahlwa go bolela ka sona: *Lefase Le A Šwalalana*.

¹⁹ Bjale re ka go se, go beng se re se bitšago “Labohlano le lebotse,” goba Labohlano le lebotse la Modimo. Ga ke tsebe gobaneng re le bitša seo, “Labohlano le lebotse.” Eupša re no ba mathomong, go molokoloko wo mongwe wa—wa diholetei, matšatši a makgethwa ao lefase le a hlaotšego, lefase la Bokriste, go—go keteka ka segopotšong, ditiragalo tše kgolo tša Lengwalo di diregilego dinakong tša go feta, dilo tše dikgolo tše di diregilego. Gomme re di šomiša le go dira nako ya mokete bakeng sa dilo tšela tše di diregilego. Ge Modimo . . . Ge—ge Modimo a ka be a le fa ka go lefase le la Bokriste mo nakong ye, le se se bitšwago lefase la Bokriste, ke a makala se mokgwatebelelo wa Gagwe e tla ba go go mokgwa wa rena wa moketeko woo re nago ka go—go segopotšong sa matšatši a a magolo le dinako tšeotše di bilego.

²⁰ Gomme banna ba tla mmogo, ka dikholofelong tša go hwetša se sengwe. Ba nyaka go tseba, go hwetša tharollo goba mohuta tsoko wa tshepedišo, nako ya mothalonako, go boloka lefase la rena mmogo. Re kgobokana fa mosong wo bakeng sa morero woo.

²¹ Banna ba kopana dikgaolong tša go fapana, go hwetša ge eba go ne se sengwe sa phošo. Bohle re a tseba se gona. Gomme go ne se sengwe sa phošo ka lefaseng, gomme re swanetše go leka go hwetša se. Gomme banna ba kopana ka dikgaolong tše go hwetša se tharollo e lego. Se se diragetše makga a mantši ka lefaseng la rena, se re se bitšago “go šwalalana.” Re phela mo nakong yeo ge sa rena—sa rena . . . e sego setšhaba sa rena se nnoši, eupša lefase la rena ka moka le a šwalalana. Go bonala eke ga go selo seo se nago motheo, ke gore, seo se kgonago go ema.

²² Re lekile ka dilo tše dintši tša go fapana kudu. Re—re lekile go ruta lefase, go kwešišano ya seng. Re . . . Gomme re bile le ditshepedišo tša go fapana tša Lliky ya Ditšhaba, le diU.N, le go ya pele, go leka go tliša kwešišo go motho. Lefase la Bokriste le lekile go ruta batho go kwešišo. Re lekile go ba dira kerekeleina go kwešišo. Gomme go bonala eke re morago thwi, boka ka mehla go diregile, ditshepedišo ka moka di a šwalalana, se sengwe se fošagetše.

²³ Re nyaka, gagolo go nagana ka se, bakeng sa metsotso e se mekae ya go latela. Se no tsenang se bjale, go no re, “Gabotse, re sepetše godimo gomme re dutše fase. Re bile le difihlolo. Re kwele mabopaki, le go ya pele.” Eupša anke re, ka dipelo tša rena tšohle, re tle fase go se le go nagana ka sona.

²⁴ Elelwang, ke bophelo bja rena, gomme ga go sa ne selo se bohlokwa go feta bophelo bja rena. Ga se gona se bohlokwa, ga go kgathale ke bontši gakaakang re bo hwetšago ka lefaseng, goba ke bogolo gakaakang re bago fa, eupša re swanetše go tla go bofelo bja tsela. Gomme ka gona . . . Yeo ke nako ya go hlatha,

gomme re swanetše go e batamela ka bohlomogi bjhole re tsebago go dira bjang.

²⁵ Ge, batho dinakong tše dingwe, ge batho ba lekile go hwetša tsela tsoko ya go phonyokga, gomme ba ile go ditshepedišo. Gomme tsela e nnoši yeo ba ka kgonago go ya go tshepedišo e ka ba efe ye nngwe, go phala tsela yeo e beilwego fase ke Modimo, ke go ya kgole le Lentšu la Gagwe. Batho mo mabakeng a mangwe ba dirile se, dinakong tša go feta. Bohle ba lekile go ya kgole, gomme ba lekile go laola lefase, le go dira tshepedišo ya dipolitiki, le dilo tša go fapana go leka go laola le go swara le—le lefase mmogo. Gomme, bona, gore ba dire seo, ba swanetše ba ye kgole le peakanyo ya Modimo ya go se dira. Le a bona? Bona ba... Modimo o ne tsela ya go boloka selo se mmogo. Gomme tsela e nnoši yeo batho ba ka tsogego ba tše tsela tsoko ye nngwe, o swanetše go ya kgole le tsela ya setlogo.

²⁶ Le a bona, pele go ka ba maaka, go swanetše go ba nnete yeo maaka ao a tšwago go yona, gobane maaka ke therešo e fapošitšwe. Sebe sohle ke—ke toko e fapošitšwe. Seo ke sebe sohle ke, ke go... Le a bona? Diabolo ga a kgone go hlola e ka ba eng. O fapoša se Modimo a se hlodilego. Go ne Mohlodi o tee feela, gomme yoo ke Modimo. Maaka ke therešo e fapošitšwe. Bootswa ke tiro ya maleba e fapošitšwe. Gomme e ka ba eng e lego, yeo e lego phošo, ke go loka goo go fapošitšwego.

²⁷ Kafao, kagona, go tše tshepedišo ye nngwe ya go boloka lefase mmogo, go phala tshepedišo ya Modimo, ke phapogo. Kafao e ka ba eng e fapošitšwego e swanetše go ba le bofelo, gobane se sengwe le se sengwe seo se nago mathomo se ne bofelo. Ke dilo tše di sa nkago tša thoma, tše di sa tsogego tša hwa, di sa tsogego tša ba le bofelo.

²⁸ Gomme go ne selo se tee feela seo se sa tsogego sa ke sa thoma, gomme seo ke Modimo. Kagona, tsela e nnoši re ka tsogego ra phela Gosafelego ke go ba le Bophelo bja Modimo Mong ka go rena, gomme bjoo ke Bophelo bjo Bosafelego. Gomme rena... Modimo o ikarogantše Yenamong magareng ga rena, gomme o file Moya wa Gagwe boka A dirile ka Pentecost, gomme O bonwe ka go dika tša Mollo, go tšwa go Pilara ya Mollo yeo e ikarogantšego Yonamong magareng ga batho, go fa Bophelo bja Gagwe Mong go batho. Gomme ka se, monagano wa Kriste o swanetše go šoma magareng ga rena.

²⁹ Gomme Modimo ke Lentšu. "Mathomong go be go le Lentšu, gomme Lentšu le be le le le Modimo, gomme Lentšu le be le le Modimo." Gomme Le sa le Modimo, yeo ke nnete, ke Lentšu. Gomme ge re eya kgole le Lentšu, gona re kgole le Modimo. Jesu o rile, "Ge le dula ka go Nna..." Sephiri sa bona seseo. Sephiri seseo. "Ge le dula ka go Nna, gomme Lentšu la Ka ka go lena, gona kgopelang se le se ratago." Le a bona? Kgopolole ke ya pele. Lentšu la Modimo le swanetše go dula fa.

³⁰ Le ka se tšee dithutotumelo le diism, le go ya pele, gomme la di kokotela ka go lena, gomme la tšeа thutatumelo tsoko gomme la e tswakanya le Lentšu la Modimo, gomme morago la ba le Modimo go e hlompha. Go swanetše go ba ka phethagalo, go sekä, go se otswafale, Lentšu la Modimo, gomme leo ke phetho. Yeo ke phetho. Modimo a ka se tswakane le e ka ba eng e fapošitšwego. Yena ke Modimo ka go phethagala, go ya le go ya.

³¹ Bjale, ka mehla, ka dinako tšohle, re bile le dilo tše, tša batho ba—ba ba lekilego go fapoša Lentšu la Modimo, le go tšeа mehuta ye mengwe ya ditshepedišo. Gomme—gomme ba hwetša, ka morago ga nako ye telele, ba hwetša feela boka re bona lehono, 1963 se, re hwetša lefase le šwalalana. Kgonthe le a dira. Gobane, le ka se kgone go swarelela, bontši go feta se Daniele a se boletšego ka—ka ponong ya gagwe, tlathollo ya kgoši, yeo, go no swana le ge tshipi le letsopa di ka se hlakane mmogo, ga ešita Lentšu la Modimo le ka se hlakane le e ka ba eng gape. Le no se kgone go e dira. E swanetše go ba Lentšu. Seo ke phetho.

³² Bjale re hwetša gore dipolitiki, mo matšatšing a—a lefase leo Noage a phetšego ka go lona, di be di thopile. Gomme mananeo a tša thuto le kgwebo ye kgolo ya lefase ya letšatšing leo di—di be di le matsakeng tšonamong ka go lefelo go moo mo—mo moago wa meago, ya diphiramiti le disefinki, le se sengwe seo re ka se kgonego ka bohlale go se aga lehono.

³³ Ge eba e ka ba mang a kile a ba ka Egepeta, gomme a bone di—di diphiramiti le go ya pele, ga re ne selo bjale re ka kgonago go tsoge re agile se tee boka yona. Aowa. Eupša ba be ba gatetšepele kudu go feta re le, ka thuto. Ba be ba gatetšepele kudu ka saense.

³⁴ Gomme gona ba tlide go hwetša, lefase le thoma go šwalalana. Gomme Modimo o ba rometše molaetša, eupša ba o ganne. Gomme o be o le wo bonolo, molaetša wo bonolo kudu, ka yena molemi yo bonolo, eupša ba o ganne le go o latola. Gomme lefase la bona le šwalalane. Tlwa.

³⁵ Selo sa go swana se diregile ka Sodoma, nakong ya Sodoma, ge boitshwarahlepi bo be bo—bo selaganya. Gomme ba agile ditoropokgolo, le go ya pele. Eupša, ba hweditše, Modimo o rometše tshepedišo ya Gagwe ka fale, morago ba e ganne, gomme le šwalalane. Ka mehla le a dira.

³⁶ Bjale, selo sa go swana se gona lehono. Re no ba ka go letšatši la go swana le bilego. Jesu o rile, “Bjalo ka ge go bile matšatšing a Noage, le ka matšatšing a Sodoma, go tla ba bjalo mo go Tleng ga Morwa wa motho,” selo ka moka se buragana le go šwalalana. Le... Le agilwe godimo ga lešabašaba, gomme le swanetše go gogolwa. Gomme re hwetša nako yela ye kgolo boka e bile nakong yela, kafao e—e gona lehono.

³⁷ Gomme mo nakong ya go tla ga Morena wa rena Jesu, mo matšatšing a peleng a—a ge A tswalwa, re hwetša lefase lela, ka letšatšing lela, le šwalalana, ge A tswalwa ka lefaseng. Re hwetša gore lefase la bodumedi... Bjalo ka ge ke nyaka go bolela ka lona, bošegong bjo, ka go bapolwa, go dikologa se sengwe mo lenaneong leo. Bona... Re hwetša gore Bajuda ba be ba kgotletše kudu tshepedišo yela Modimo a ba filego, ka go Lentšu la Gagwe, go fihlela go be go se sa na bohломоги gape, dihlabelo tša bona—tša bona—tša bona, le ge ba di dirile, ka leletere. Gomme ba dirile dihlabelo tša bona. Ge Mojuda...

³⁸ Ga se gona se sebosana go phala Modimo a amogela kemedi. Ge, motho a dirile sebe, gomme Modimo o amogetše kemedi. Go tlala ka mogau, O be a le, go dira selo se sebjalo. Ge Mojuda a theoga tsela, ka powana ya gagwe goba kwana ya gagwe, go ya go e neela bakeng sa sehlabelo, gomme o e dirile go tšwa botebong bja pelo ya gagwe, e be e le selo se segolo. Eupša, morago ga nakwana, e bile motlwae wa selapa. Ba nno ya tlase le go neela powana, gomme, “Gabotse, go fihla nako bakeng sa sehlabelo, kafao re tla no ya le go neela powana ye e rilego ye.”

³⁹ E bile mo—mo motlwae. Ke nyakile go fenyega go dumela gore seo ke se se diragaletše tshepedišo ya rena ya Bokriste. Gore, ka go dikerekemaina tša rena tša go fapano le—le dihlotsvana re ipitsago Bakriste renabeng, re fihlile lefelong leo. Go fao... Gomme ebile le go rena, Mapentecostal. Bjale, elelwang, sehlare ke sa lapa ka moka. Gomme rena, Mapentecostal, re itliša renabeng ka go seo. Gomme re maketše.

⁴⁰ Lefase ka moka la Pentecostal le a šwalalana. Tshepedišo ka moka, ya Mamethodist, Mabaptist, Mapresbyterian, tshe—tshe tshepedišo ka moka ya sedumedi e a šwalalana. Re a e bona. Re a tseba yeo ke therešo. Lefase la rena la setšhaba la sepolitiki le a šwalalana. Selo ka moka se mo bofelong. Bjalo ka ge Jesaya a boletše, “E ba go tlala ga dišo tša—tša go phera.” Ke, feela, mmele ka moka o senyegile.

⁴¹ Go ne se sengwe se swanetše go direga. Gomme se ya go ba ka godimo ga tshepedišo goba kwešišo e ka ba efe ya madirwakemotho, yeo e tla swanelago go e tliša morago go diemo tša lona tša maleba gape.

⁴² Ke a tseba se ke seswantšho sa go se kgahliše, eupša ke therešo. Re swanetše go lebelela dilo feela tlwa se di lego, gomme ga go bohlokwa bja go tsopola e ka ba eng godimo, goba go e phitsa, a ke re, eupša go no tla ntle le go bolela therešo ka ga yona. Nnete ke nnete, gomme phošo ke phošo. Le a bona? Gomme re swanetše go e lebelela.

⁴³ Gomme re bona ditšhaba lehono. Bophelo bja rena—rena bja sepolitiki le bosetšhaba bo bodile go fihla ka teng. Bjhole bo tletše ka—ka dilo, goba ka tshenyego ya thelebišene, ya mehuta

yohle ya tšhila, metlae ya tšhila, le mehlamu, gomme pele ga batho ba baswa ba rena.

⁴⁴ Gomme di—di dikolo di senyegile kudu! Nna! Ke tšwa Arizona. Ke—ke be ke le go se sengwe sa dikolo tše kgolo, letšatši le lengwe, gomme go bona bahumagadi bale ba baswa le masogana, bašemane, ntle fale mo khamphaseng, ba pshikologa gohle. Ke rile, “Ke a holofela ga ka tsoge ka swanela go romela yo mongwe wa bana ba ka go lefelo boka leo.”

⁴⁵ Gomme tshenyego ye bjalo, efela, e bitšwa—bitšwa Amerika. Bjo bongwe bjo bobebobe nkilego ka bo bona ke boitshwaro bja Maamerika ka—ka mafelong a go fapania a naga. Ka mehla re bolela ka naga tše dingwe. Bokaone re swiele mejako ya rena beng go hlweka pele re ka bolela e ka ba eng ka ga yo mongwe gape.

⁴⁶ Gomme rena Mapentecostal re tlamegile go swiela mejako ya rena gannyane nthatana, le rena, pele re ka ya go gobela ka ga Presbyterian le Baptist. Gobane, tshepedišo ya rena e no ba go senyega le go šwalalana bjalo ka ya bona. Le a bona? Re no phela ka go letšatši leo.

⁴⁷ Gomme bjale re nyaka go elelwa gore, mo matšatšing a ao Jesu a tswetšwego, re hwetša gore ba bile le mohuta wa go swana wa tshepedišo. Ga se ba be le go hlomoga. Ba no ya tlase le—le go ba Mojuda, gomme ba boloditšwe letšatšing la seswai. Gomme ka nnete o ba Mojuda.

⁴⁸ Gabotse, re ne selo sa go swana lehono. Ba ba iša kerekeng le go dira masea bakriste. Gomme—gomme morago selo sa pele, le a tseba, gabaneng, ba ba ba kereke yeo. Gomme o a ba botšiša ge eba ke bona Mokriste. “Kgonthe, ke nna Mokriste. Ke nna Moamerika.”

Gomme nako ye nngwe ka mothalong wa thapelo, ke botšišitše mohumagadi, nako ye nngwe, “A o Mokriste?”

⁴⁹ O rile, “Gabotse, ke tla go fa go kwešiša, ke tshuma kerese bošego bjo bongwe le bjo bongwe.” Bjale, boka seo se bile le e ka ba eng go dira le Bokriste.

⁵⁰ Yo mongwe o rile, “Ke nna, gabotse, ke nna—ke nna *semangmang*. Ke nna wa Presbyterian. Ke nna *se*.” Seo le bjalo ga se re selo.

⁵¹ Seo ga se fete o ka bea sekibo go kgomo. O ka—o ka bea sekibo sa Hereford godimo ga sejaditoto. Go ka se dire nthatana ya phapano. Seo ga se fetole bokagare bja motho. O se o lego sona, ka tswalo ya gago, gomme yeo ke ka go Kriste. Le a bona? Re—re no ba le dikibo tše, le—le go ya pele. Ke, re... Re ne selo ka moka ka go tshepedišo le ka go tlhagaraga.

⁵² Gomme re e hwetša ka tsela yeo ka nakong ya go tleng ga Morena wa rena Jesu. Bjalo ka ge ke naganne, go tlišeng ka bophelong bja Gagwe, go tswalo ya Gagwe le bodireding bja

Gagwe; morago, bošegong bjo, papolo ya Gagwe. Selo ka moka se thoma go senyega. Ba dirile Lentšu la Modimo go hloka mohola, ka metlwae ya bona, kafao lefase ka moka le be le šwalalana. Setšhaba se sengwe le se sengwe se be se lebeletše yo mongwe goba tshepedišo tsoko yeo e ka go ba ntšha go yona, ke gore, go ba swara mmogo. Ba be ba senyegile kudu gore ba tsebile ba ka se kgone go swara ka tsela yeo ba bego ba eya, gomme—gomme ba be ba lebeletše se sengwe go ba swara mmogo.

⁵³ Ge se e se seswantšho sa lefase la rena lehono, ga ke tsebe lefase. Ke sona. Ke seswantšho sa lefase la rena lehono. Se sengwe le se sengwe se lebeletše bakeng sa tshepedišo goba—goba se sengwe go re swara mmogo. Ke seswantšho sa yona lehono. Le be le lebeletše bakeng sa tshepedišo tsoko goba se sengwe seo se tla le efošago go šwalalaneng. Bjalo ka ge go bile nakong yeo, go bjalo le bjalo, gape. Go bušeleditše gape.

⁵⁴ Lefase la bodumedi nako yeo le be le lebeletše bakeng sa Mesia yo a tshepišitšwego. Bajuda bohle ba tla go botša, badumedi ba go kgwahla kudu, “Kgonthe, re bile, mengwaga ye dikete tše nne, re lebeletše bakeng sa Mesia. Gomme re dumela gore O—O etla. Ka kgonthe, re a e dumela.” Lefase la sepolitiki la letšatši leo re be re lebeletše bakeng sa Mesia. Gomme ditšhaba tšohle ka moka, se sengwe le se sengwe, se be se lebeletše bakeng sa Mesia. Gomme ge A tlie, ba Mo dirile feela boka ba dirile dinakong tše dingwe.

⁵⁵ Ba be ba lebeletše bakeng se se sengwe go ba swara mmogo mo matšatšing a Noage. Gomme ge Modimo a ba rometše motseta, go diregile eng? Ba e ganne.

⁵⁶ Gomme ba be ba lebeletše bakeng sa yona, mabakeng ohle. Ke ka tsela yeo e diregago. Ba no... Modimo o tla e romela go bona. Gomme ba tla no... Ba e gana. Gobane, gobaneng? Ga e kgotsofatše tatso ya bona. Le a bona? Ga—ga ba e nyake ka tsela ye Modimo a nyakago go e romela. Ba e nyaka ka tsela ye ba e nyakago. Ba e nagantšitše gohle, ka tsela ye e swanetšego go ba, gomme ge e sa tle ka tsela yeo, gona, “Ga se ya Modimo.” Le a bona? Ke ka tsela ye e bilego ka mehla.

⁵⁷ Ke selo sa go swana lehono. Ga e tle ka tatso ya tatso ya rena ya thutamodimo. Eupša E tla ka tsela ya maatla a ponagatšo ya ponagalo ya tshepišo ya Modimo go lebaka. Tlwa. Eupša, efela, boka go bile nakong yela, ba E gana. Ba E ganne nako yela. Ba E gana lehono, gobane ga E kgotsofatše tetelo ya letšatši go ya ka tsela ye batho ba E letetšego.

⁵⁸ Modimo o ne tetelo. Modimo o tseba se se yago go direga, gobane O hlokamagomo, kafao ga se gona se bago phošo. Sohle se no ya tlwa gabotse, gobane O hlokamagomo. Gomme O kgona go bolelelapelle bofelo go tloga mathomong, gobane ke Yena Modimo. Se naganeng Sathane o bea e ka ba eng godimo ga Gagwe. Oo, aowa. Oo, aowa. Yohle e no šomela go pealatša

ditholwana tša Gagwe, ke tšohle. Go kgonega bjang Modimo yo mogolo wa go hlokamagomo, Yo a tsebilego se sengwe le se sengwe, gomme a dumelele se sengwe le se sengwe... E no ba ditholwana tša Modimo di pealaditšwe.

Gomme o pealatša bophelo bja gago, go lehlakore le tee goba le lengwe.

⁵⁹ Gomme ke ka lebaka leo ditshepedišo tša rena di tla ka gare, gomme ga di kgone go amogela e ka ba eng, ke ka tsela ya tshepedišo, e no ba gobane gore ba ya kgole le tsela ya setlogo e hlodilwego yeo Modimo a ba diretšego go e dira. Tsela ya Gagwe ya—ya go romela dilo nako tše dingwe ga e kgotsofatše tatso ya rena. Ke a makala, lehono, ge Modimo a arabile sella sa rena bakeng sa Mesia yoo re mo lanelago lehono, ke a makala ge re ka dira selo sa go swana seo ba se dirilego morago fale.

⁶⁰ Bjale, bohle re lebeletše se sengwe. Re tseba seo, le neng. Yo mongwe le yo mongwe o lebeletše go se sengwe. Ke be ke theeditše, lešaba le. Ke theetša borakgwebo. Ke ya go badiredi. K ya go dikerekemaina tša go fapana. Yo mongwe le yo mongwe o letile se sengwe. Setšhaba, go kweng polelo ya sepolitiki, ba lebeletše se sengwe go tla pele. Ke eng? Ke se kwa ka go borakgwebo ba Bakriste. Ke se kwa ka dikhonferenseng. “Oo, nako ye kgolo e etla! Nako ye kgolo e etla!” Bjale, le no elelwang, e tla tla ka tsela ya go fapana gohlegohle go feta le nagana e a tla. Le a bona? E ka se be seo le gannyane, se le naganago ka sona. Ga se nke ya tsoge. Le a bona?

⁶¹ Gomme lefase la rena la sepolitiki, lehono, le lefase la rena la bodumedi, le no ba tlwa boka le bile matšatšing a go tla ga pele ga Mesia. Le tšhilafetše. Tshepedišo ka moka e bodile. Dipolitiki tša rena, di ka se sa kgona go ba bobebobe. Le bodumedi bja rena, ga ke bone ka fao bo ka bago bobebobe bjo itšego go feta se bo lego bjale. Selo ka moka se senyegile; lefase la rena la sepolitiki, ditshepedišo tša madirwakemotho, le—le difešene. Re no . . .

⁶² Re nyaka se sengwe le se sengwe feela, se sengwe le se sengwe, gore re kgone go se tsea bofeso, gomme re ikhutše, gomme re tše bophelo bofeso. Bophelo ga se bo direlwé go ba bofeso. Bophelo ke mokatano. Eng kapa eng yeo e nago le bophelo e a katana. Lebelelang mehlare, ka fao e katanago. Lebelelang se sengwe le se sengwe seo se nago le bophelo; ke mokatano. Gomme ge re leka go hwetša mohuta tsoko wa tshepedišo yeo e bo tšeago bofeso, gona re phošo. Gomme re a tseba go ne se sengwe sa phošo.

⁶³ Ke theeditše, lehono, ka dithelebišene tša rena—tša rena le—le mananeo, le dipampiri tša rena, le tšohle dilo tše tše di kgatlampanago, le yo mongwe le yo mongwe a bolela motlae. Go leka go hwetša... Amerika e agilwe godimo ga sehlopha sa sesego, mohuta tsoko wa motlae, boka Ernie Ford le bohle dinaletšana tsela tša thelebišene. Go dira bohle... Le dimobi tša

rena di senyegile kudu, di no se kgone go ba go senyega kudu gape. Ke phetho.

⁶⁴ Go mpea kgopolong ka ga mošemané yo monnyane a eya go kgabola mabitleng, a letša molodi, go leka go itiriša yenamong go nagana ga a boife. Eupsa ke ka lebaka leo a letšago molodi. Le a bona? O a boifa. Gomme seo ke se e lego taba. Le a leka, lefase lehono, le leka go segasega. Amerika ke motlae gomme e a tseba gore nomoro ya rena e emišitšwe. O kadilwe mo sekaleng gomme o hweditšwe a le bofe. Ge Modimo Ramaatlakamoka a ka se rathaganye setšhaba se ka ditokitoki, O tla be—O tla be a gapeletšega go Sodoma le Gomora, go mo tsošetša godimo le go kgopela tshwarelo bakeng sa go mo tšhumeng ga Gagwe. Nnête. Re bolailwe nya. Lefase ka moka le bolailwe nya. Le a šwalalana, gomme ga go ne tsela go le phološeng. Le šetše le dirile sebe go letšatši la lona la mogau.

⁶⁵ Re bolela ka ga tsošeletšo? Re phela mo meloreng ya tsošeletšo. E fetile, kgale kudu. Gomme efela re leka go aga tshepedišo tsoko ka godimo ga se sengwe. Oo, nna! E senyegile. Re swanetše gape re thome go... Ona, mananeo a rena a bodumedi, ka kgontha a ba monkgomobe ka dinkong tša Modimo, bjalo ka ge o dirile matšatšing a Israele, lenaneo la rena la Methodist, mananeo a rena a Baptist, mananeo a rena a Pentecostal.

⁶⁶ Yo mongwe o rile go nna, kgale, e sego kgale kudu, “O sola batho bale ba Pentecostal ka kudu, gobaneng o dula le bona?” Ke a ba rata. Leo ke lebaka. Lerato le a phošolla. Ge le sa dire...

⁶⁷ Go ka reng ge yo monnyane a eme ntle fale mo mokgotheng, gomme—gomme o ntle fale a dira ntotolo ya leraga mo bogareng bja mokgotha, moo tšona dikoloi di fetago? O re, “Monyane, pelo ya gago e nnyane e šegofale, hani. Ga wa swanela go ba o dutše ntle fao. Ge o le komana, etla ka gare.” Leo ga se lerato. Ga o rata ngwana wa gago. Gomme o tla mo tsea ntle fale, gomme wa mo thuhlula go tloga fale mokgotheng. Gomme wa hwetša seroba gomme wa mo ruta ga se a swanela go ya ntle fale gape, ge ka kgontha o mo rata.

⁶⁸ Gomme seo ke se e lego bothata ka bodiredi bja rena lehono. Ba fale. Ke thekethe ya dijo. Ke taba ya bokereki, gomme ba boifa go swara Ebangedi ka tsela ye E swanetšego go swarwa. Go fihlela ba le fale, o swanetše go e tliša go therešo. Go ne se sengwe sa phošo, gomme re a se tseba. Re gogela go ditshepedišo sebakeng sa Mmušo wa Modimo. Gomme re a tseba go ne se sengwe sa phošo. Go senyegile.

⁶⁹ Ke nagana matšatši a rena a Pentecostal a fetogile monkgomobe. Re bapala mmino, le go tabogela godimo le tlase ka—ka mekgobeng, le go bina, le go kitima godimo le tlase. Gomme basadi ka moriri wa go kotwa, le ditšhatšhadipounama difahlegong tša bona, le dilo boka tše. Le go kitima gohle fa, go

bina ka Moyeng, ka . . . le e bitša, ba apere roko, ye e swineletšego go lekanelo go bea letlalo ka ntle. Gomme re letela Modimo go kopana le rena ka go tshepedišo ye bjalo ka yeo? A ka se tsoge A e dirile. Le a tseba, Modimo ga a tle ka dipeelano tša lena. Le tla go dipeelano tša Gagwe goba ga le tle le gannyane.

⁷⁰ Oo, re bolela ka batho ba etla ka gare le go amogela Moya wo Mokgethwa, le dilo boka tše. Gomme ke bile . . . Kgonthe, ke thakgalela seo. Ke a se thakgalela. Eupša lebelelang fa se re se dirilego, bagwera. Re agile dikerekemaina tša rena godimo ga bohlatsé tsoko, boka re tšea go bolela ka maleme. Ke dumela go go boleleng ka maleme, kgonthe, eupša se sengwe le se sengwe se bolelago ka maleme ga se ne Moya wo Mokgethwa. Ke nna moromiwa. Ke bone baloi ba bolela ka maleme le go hlatholla, le go fa tlhathollo ya maleba go yona, gomme ba enwa madi go tšwa go legata la motho, gomme ba bitša diabolo. Nnete. Boelang morago go Lentšu la Modimo moo le lego ba gona. Tlogang go dilo tše. Bophelo ke se se bolelago ka go motho, Bophelo bja Kriste. O ka kgona bjang go ba wa Kriste gomme wa swarelela go dibopego tše? Gona o bona fao o fihlilego?

⁷¹ Kereke ya Pentecostal, ge e thomega, mengwaga ye masometlhano ya go feta, gomme Moya wo Mokgethwa o thoma go wa gomme batho ba amogetše mpho ya go bolela ka maleme, gona le thoma go iša se sengwe le se sengwe ka go yona, la dira se kerekeleina, le *seo*, le *se sengwe*. Gomme lebelelang moo le lego lehono, go fihla selo ka moka se bodile. Ke mnete. Tshepedišo ka moka e senyegile, gomme se no šwalalana le lefase ka moka. Se sengwe le se sengwe se swanetše go e dira.

“Eupša re amogela Mmušo wo o ka se šuthišwego.”

⁷² Bjale, elelwang, dipolitiki tša rena di šetše lefase morago. Dikereke tša rena di šetše lefase morago. Tšohle di tshilafaditšwe, matšatsing a rena, lehono.

⁷³ Mola, re be re fela re eba, nako ya kgale kudu, ge nka no kgona go elelwa, ge kereke ya rena ya kgale ya Baptist tlase fale ka nageng ya Kentucky, ge ba bile le bona basadi le banna ba fešene ya kgale ba dutše tikologong fale, ka tšela. Moreri, bosegong bja go feta, Ngwanešu Crow, a bolela ka bahumagadi bale ba rwele diponete. Gomme—gomme ba be ba fela ba, se ba se bitšago, go hlwekišwa. Goba, gomme ba be ba tla ya tlase fale gomme ba goeletša, gomme—gomme di—di diswaramoriri di tla wa go tšwa moriring wa bona ge ba lla, gomme—gomme ba sepetše godimo le tlase ga mekgoba yela, ba tumiša Modimo. Gobaneng, ngwanešu, bona batho ba bile le bodumedi go lekanelo go dira letšatši la Pentacostal le lewe ke hlong go lonamong. Gomme, gona, mnete. Bao e be e le Mabaptist, Mamethodist, Mapresbyterian. Nnete.

⁷⁴ Gomme morago le bitša ba Kentucky se—se sehlopha sa goserutege. Dumelelang yo mongwe wa Kentucky, mme wa

fešene ya kgale, a bona mosetsana wa gagwe a tšwela ntle mo mokgotheng, morago fale ka go tšona dithaba, a apere para ye nnyane ya dišothi, boka wena le makgolo le ka moka ga lena le aparago. Anke a tsene, mo mosong, gomme diaparo tša gagwe di hlobotšwe seripa, di sokegile, le manekure wa gagwe, setšhatšhadipounama, goba e ka ba eng e lego, gohlegohle sefahlegong sa gagwe, a bile ntle le Ricky tsoko yo monnyane bošego bjohle, ka koloi ya kgale, a kitima gohle, a tsena. O tla mo setla, le lengwe la lekabe la yona hikori, a ka se kgone go tsoga malaong lebaka la dikg wedi tše tshela.

⁷⁵ Morago le ipitša Pentecostal lenabeng? Lebelelang letšatši leo re phelago ka go lona. Gomme bareri ba tšhogile kudu go bolela se sengwe ka ga yona mo phuluphithing, ba boifa ba tla rakwa mokgatlong wa bona. Nnete. Nnete. Re hloka “morago go Lentšu la Modimo.” Morago e sego go maikutlo a rilego, *polelo* tsoko ya “morago go Lentšu,” eupša ke ra pelo le soulo, ka go motho ka motho, morago go Lentšu la Modimo. Ka kgonthé. Le dirile eng? Gobaneng le boifa go e bolela? Le fihla go boleleng ka yona, mokgatlo wa lena o tla le rakela ntle. Yeo ke nnete.

⁷⁶ Ke sa tšo bala seripana seo yo mongwe a mphago, fa ka go pampiri. Ke, e tšwa Memphis, Tennessee. E bitšwa, *The Tony Fontane Story*. Ge o nyaka go bona papatšo ya phethelele, lebelela ka go pampiri yeo, e swanetše go ba Pentecost. E thekgilwe ka mašeleng ke Assemblies of God, wo mongwe wa mekgatlo ye megolo ya Pentecost. E lebeleleng. Ke tla e tlogela fa, mosadi wa moriri wa go kotwa wa go lebelelega Isebele le monna tsoko wa Mofora fale. Le bitša yeo tshokologo? Gobaneng, ke maikutlo. Ga go ne selo go yona go ya go tshokologo. Mo—mo Moya wa Modimo o tla hlwekiša monna goba mosadi, le go ba dira go fapano go phala ba be ba le. Nnete. Eupša re na le eng? Re ne Hollywood, e šuthišeditšwe ka go Pentecost. Ke eng? Ka lebaka la mananeo a bona a tša thuto, le selo.

⁷⁷ Ke ka lebaka leo re ka se kgone go ba le tsošeletšo. Leo ke lebaka se sengwe ga se kgone go ya pele. Ke ka lebaka leo re be re eya pele, gobane le swanetše go tla morago go Lentšu lela gape, ngwanešu. Nnete.

⁷⁸ Go šokiša go go bjalo ga selo boka seo, ka tlase ga tlhahlo ya mosepelo wa Pentecostal. O ka se re Modimo o thekgile selo boka seo. Kgonthe aowa. Eupša ke eng? Ke se sengwe seo se nago matsaka. Le bone thelebišene kudu go fetiša. Le ekišitše kudu go fetiša ka lefase. Ke ka lebaka leo selo ka moka se bodile, le go senyega, le go ſwalalana. Nnete. Se nkgagampe, pele ga Modimo.

⁷⁹ Ga ke kgathale ke bontši gakaakang o boleLAGO ka leleme, ke bontši gakaakang o goeletšago le go kitima gohle go kgabola kamora. Ga ke kgathale ke bontši gakaakang o dirago *se*, goba o gola bogolo gakaakang, ke bahlomphegi ba bakae o tsenago ka go lena. Seo ga se ne selo go dira le yona. O swanetše go ntšha tše

dingwe tša seo, gomme o hwetše Moya wo Mokgethwa magareng ga lena, woo o tlago le hlwekiša, le go dira kereke ya kgonthe go tšwa go lena. Seseo selo. Yeo ke Therešo tlwa. Re . . .

⁸⁰ Se re se hlokago, lehono, ke moperfeta wa Morena go tsoga mo lefelongtiragalo, ka Lentšu la Modimo, yoo a sa itšimeletšego ka dilo tša lefase. [Phuthego e re, "Amene."—Mor.] Yeo ke khofolo e nnoši e lego bakeng—bakeng sa bo—bo bophelo bjo bo tlago, yo mongwe o tla swara Ebangedi; e sego a apere ditlelafo tša rabara tša bokereki, a dumela bokaa *bjoo* gomme a tloša bokaa *bjoo*. Oo!

⁸¹ Gomme dipapano tša rena tša kerekelaina bjale di re logagantšitše ka go e ka ba mekgatlo ya go fapana ye makgolo senyane. Matikone a rena a dumelotše go ba le basadibagatša ba babedi goba ba bararo, gomme ba sa hlankela bjalo ka matikone. Nakong ye nngwe moreri o tla tlogela kereke ye nngwe go ya go ye nngwe, gobane go ne tšhelete ye ntši ka lefelong le lengwe go feta go le ka go le lengwe. Lešaba le legolo lefelong le lengwe le kereke ye kaone, le go ya pele, ba ne diruiwaratwa le dipopi. Gomme, oo, nna!

⁸² Re nyaka banna ba go bitšwa ke Modimo, ba makgwakgwa, go tšwa lešokeng mošola, ka molaetša wola boka Johane Mokolobetši, woo o tla šikinyago bošilapuleng bja tše dingwe tša tše di bitšwago mesepelo ya bodumedi.

⁸³ Ke sebe. Se—se nyamiša Moya wo Mokgethwa. Nako tše dingwe, ka diponong Morena a mphago . . . Gabotse, nka se tsene ka go seo bjale. Le a bona? Ke botšišitšwe letšatši le lengwe . . . Aowa, ke tla no . . . ke tla tšwel—. . . Ntshwareleng.

⁸⁴ Bjale, go Molaetša wa "go šwalalana." Dilo tše di kgatlampanganago, dilo tše di sa swanelago go ba—swanelago go ba tše šele go kereke, efela ke tšona. Bolela go bona ka tšona, ga ba nyake go e dumela. Ge Noage a boletše, ga se ba e dumela. Ge Moshe a boletše, ga se ba e dumela. Ge baprofeta ba boletše, ga se ba e dumela. Kgonthe. Ba bile le ditshepedišo tša bona beng di agilwe. Ee, mohlomphegi.

⁸⁵ Bokwala bjo bobotse, oo, nna, bja bomme bja rena—bja rena, bokwala bja basadi ba rena ba Pentecostal, bo inamile go sebatlabadimo sa modimogadi, Hollywood. Gomme se re bego re fela re se bitša "bokwala," re se bitša "fešene." Ke bogoboga.

⁸⁶ Yo mongwe o rile go nna, e se kgale kudu, o rile, "Ngwanešu Branham, a o ka se tlogele bona basadi, go koteng moriri wa bona, le go apara dišothi, le dilo? A o ka se? A o ka se?" O rile, "Batho ba go tšea bjalo ka mmoni go tšwa go Morena. A o ka se ba botše ka fao ba ka bonago dipono?"

⁸⁷ Ke rile, "Nka kgona bjang go ba ruta dipalontshetshere mola ebile ba sa tsebe boABC ba bona?" Gomme bontši o rera, ba gakala kudu. Kafao, o a bona, tshepedišo ka moka e bodile, e a šwalalana. Ke phetho.

⁸⁸ Modimo a ka se phološe lefase ka mokgatlo goba tshepedišo. O tla le phološa ka Moya wo Mokgethwa. Gomme Moya wo Mokgethwa ke Lentšu le dirilwe go bonagatšwa. Ke ditshepišo tša Modimo di dirilwe go bonagatšwa. Ee, mohlomphegi. Re tšere metlwae ya rena gomme re dirile Lentšu la Modimo go hloka maatla, feela boka ba dirile mo matšatšing ge Jesu a etla. Oo, ee, mohlomphegi!

⁸⁹ Modimo o tshepišitše go neela ditlhoko tša rena, e sego dinyakwa tša rena. Ka mehla re nyaka se sengwe, eupša re se nyaka ka tsela ya rena beng. O re, “Gabotse, ke—ke nyaka seo. Ke... Ya. Gabotse, Morena, re romele se gomme re romele *sela*.” Modimo o tseba ditlhoko tša rena. Ye ke nnete tlwa. O tseba tlhoko ya rena.

⁹⁰ Go ka reng ge mošemane yo monnyane wa gago a go bone o šefa ka—ka legare la gago la go otlologa, gomme o tla re, “Papa, ke nyaka legare leo”? O tseba bokaone go feta go fa ngwana yoo legare leo. Gabotse, go ka reng ge a ka re, “Papa, ke go bone o e dira”? Gabotse, yeo ke phapano. Wena o yo mogolo. O tseba o šomiša legare bjang. O yo mogolo. O—o—o kgobokeditše bohlale, go tseba o šomiša legare bjang.

⁹¹ Gomme gona, bontši bja nako, re bona batho ba Pentecostal ba bona yo mongwe a bolela ka maleme, goba se sengwe se dira tirelo ya phodišo, gomme morago tshepedišo ya rena ka moka e a senyega ka sehlopha sa dikekišo tša senama di yago ntle. Ba bona ba bangwe ba e dira, eupša Modimo a ka no be a se a go biletša go dira selo se sebjalo. Gomme se dira eng? Se tliša kekišo ya senama, e tlišago bogoboga godimo ga ona morero woo Modimo a o rometšego. Ke eng e e dirago? Ditshepedišo.

⁹² Ge Assemblies of God e ne monna ntle a dira se sengwe, gomme Modimo a ne yena, gomme a netefaditšwe, re e bona ka mokgwa woo, morago dihlopha tše dingwe di swanetše go ba le o tee, le tšona.

⁹³ Lebelelang sebopego se sennyane, e sego kgale kudu, ge tshepedišo ya “Dafida yo monnyane” e etla ntle. Le a bona? Gomme kereke ye nngwe le ye nngwe e ile ya swanelia go ba le Dafida yo monnyane, yo monnyane wa bareri ba mosetsana le bareri ba mošemane. Gomme e be e le eng? Go bapetša, papetšo, go leka go ekiša. Ke seo se re tsentšego tlhagarageng yeo re lego ka go yona bjale. Seo ke tlwa.

⁹⁴ Ke eng e dirilego lena Assemblies of God go ya morago ka go mokgatlo mola wola e bile yona tshepedišo yeo Modimo a le ntšhitšego go yona? Le lekile go bapela le Mamethodist le Mabaptist. Ke eng e dirilego lena oneness, ka “taba ye mpsha,” ke eng e le dirilego go ya go mokgatlo, selo sa go swana seo A le ntšhitšego ka go sona? Selo sa go swana. Le tšwelapele go e dira, gape le gape, le godimo gape. A ga le kgone go bona ga se ya Modimo? Selo ka moka se bodile le go fošagala. Modimo ga a

le bitše ka sekibo sa lena sa mokgatlo. O le bitša ka Tswalo ya lena. Ka kgonthé. Ke seo Modimo a le bitšago ka sona.

⁹⁵ Modimo o tseba dithoko tša rena, gomme re swanetše go E amogela ka tsela ye A nago le Yona. E sego go ya ka metlwae ya rena, re no se kgone go e amogela ka tsela yeo, gobane Modimo a ka se e amogelege. Modimo a ka se be le selo go dira le yona.

⁹⁶ Re—re bona ba bangwe. O re, “Le a bona, yo mongwe, ke . . . Ngwanešu Branham, ke bona motho tsoko yo a kgonago go dira *se*, le yo mongwe *seo*. Letago go Modimo, Morena!” Nna! Ge A dirile, O tla e dira. Ge A go bileditše seo, ga wa swanela go botša e ka ba mang ka yona. E tla ipontšha yonamong. Yeo ke nnete tlwa. Eupša re nyaka go ba boka boJones, ka tsela re nago le renabeng ka go tshepedišo yeo re lego ka go yona bjale.

⁹⁷ Bjale—bjale re hwetša, ka go dipolitiki tša rena tša kerekelina, gomme re amogetše dipolitiki, gomme ra dumelela dipolitiki go hlahlala badiredi ba rena, dipolitiki tša sedumedi go hlahlala badiredi ba rena, sebakeng sa Moya wo Mokgethwa o hlahlala badiredi ba rena. Yeo ke nnete. Motho a bone Therešo yeo a e dumelago, ga a kgone go ya go Yona, kereke ya gagwe e mmeile ntle fale. Le a bona? Kafao, le a bona, le dumelela motho go etapele sebakeng sa Modimo a hlahlala, gobane dithutotaelo le dithutotumelo tša lena le go ya pele, di bea motho kgole le yona. Momethodist a ka tsoge a kgona bjang go tla ntle le—le go rera kolobetšo ya Moya wo Mokgethwa? Lena batho ba Methodist fa, lena badiredi ba Methodist, le ka tsoge la kgona go dira yeo bjang? Lena Mapresbyterian le ka tsoge la kgona bjang go e dira gomme la dula ka kerekeng ya lena? Ba tla le bea ntle. Le tseba seo. Ka kgonthé, ba tla dira. Gomme lena, Pentecostal, feela go be. Yeo ke tlwa. Ge feela e le tshepedišo, ke tshepedišo. Tshepedišo ka moka e bodile. Gomme tlogang kgole le selo, seo ke tlwa se re swanetše go se dira pele se ka tsoge sa tla morago.

⁹⁸ Le ka no se dumele seo, eupša e theipilwe. Theetšang Sona, mengwaga e se mekae go tloga lehono, ge eba go ne se sebjalo, gomme le tla tseba ge eba Ke therešo goba aowa. Letšatši le lengwe ge Dietša tša mantšiboa di hlabá, ke thari kudu nako yeo, o tla re, “Gabotse, monna yola a ka be a be a le nnete.” Eupša go thari kudu nako yeo.

⁹⁹ Feel a tlwa se Jesu a se boletšege ge A etla lefaseng. O rile Modimo o ba rometše baprofeta go theoga lebaka, nako le nako ge tshepedišo ya bona—ya bona ya lefase e tla šwalalana, tshepedišo ya bona ya sedumedi. O rile, “Le ba dirile eng? Modimo o rometše baprofeta gomme le mmeile ka lebitleng. Tlwa. Gomme gona ka ga moloko wo mongwe, le a phafoga gomme la lemoga gore yola e be e le moprofeta. Gomme nako yeo le dira eng? Le kgabiša lebitla.” Le dira eng? Le dira motlwae wa bophelo bja gagwe. Seo ke tlwa se Israele e se dirilego, e

tšere moprofeta Moshe gomme e be e dirile motlwae wa bophelo bja gagwe.

¹⁰⁰ Gomme ke tsela yeo re dirago. Martin Luther, John Wesley, banna ba bangwe. Ka mehla re lebelela morago, le a bona, go bona dilo tšela. Gomme le dira motlwae wa bophelo bja bona, le kgabiša mabitla a bona. Gomme molaetša wa bona o be o le bakeng sa letšatši le lengwe. Ka nako ye le phafogago, gabotse, letšatši lela šetše le phetšwe. Re ka letšatšing le lengwe. Tshepedišo ka moka e šomile ka tsela yela, ge e sa le mathomong, ditshepedišo tša madirwakemotho. Ka kgonthe.

¹⁰¹ Jesu, ge A etla lefaseng, O tlie gomme o hweditše kereke le lefase ka seemong sa go swana e lego lehono. Ke a dumela O etla gape. Feela tlwa. Ke a e dumela. Go ne selo se setee se ka le phološago, gomme seo ke go Tla ga Morena. Ga se gona se ka e dirago. Ga ke kgathale. Rena, Mamethodist, ga re ye go e dira. Goba, rena, Mapentecostal, ga re ye go e dira. Modimo o tla e dira, ka go romeleng Jesu Kriste. Ke dumela gore O tla tla feela go ya ka Mangwalo. O tla tla. Ee, mohlomphegi.

¹⁰² Selo ka moka se fetogile bo—bo bodumedi bja kerekeleina, e hlahlwa ke kerekeleina bakeng sa Moya wo Mokgethwa. Ditshepedišo tša rena tša thuto le dikerekemaina di re hlahlletše ka go ditsela tše dintši tša go fapano, gomme, “Go tše sebopego sa bomodimo, gomme e ganne Maatla a bjona,” feela tlwa se Lengwalo le rilego re tla dira. Moprefeta o rile, ka go Timotheo wa Bobedi 3, “Nako e tla tla ge batho ba tla ba hlogothata, ba menagano ya godimo, barati ba boipshino go feta barati ba Modimo; barobadikwano, baphari ba maaka, ba go se kgotsofale, gomme ba go hloya bale ba ba lokilego, baeki, ba hlogothata, ba monagano wa godimo.”

O re, “Bao ke makomonisi.”

¹⁰³ Bao ke ba ba bitšwago Bakriste. Beibele e rile, “Ba ne sebopego sa bomodimo gomme ba gana Maatla a bjona, ba babjalo le ba šikologe. Gobane ba ke mohuta wo o yago go tloga ntlong go ya ntlong, gomme ba hlahlha basadi ba ditlaela, ba gokwa ke dikganyogo tša mehuta, ga ba tsoge ba rutega goba ba tla go tsebo ya Therešo. Eupša boka Jamboro le Janese . . .”

¹⁰⁴ Elelwang, ba dirile tlwa. Ba be—ba be ba le baekiši. Selo sela se rathile dikgao tša Pentecostal boka se dirile ka moka ga bona. Baekiši! Ge Moshe a lahletše lepara fase, Jamboro le Janese ba lahletše lepara fase. Ge Moshe a biditše bakeng sa dilo, ba biditše bakeng sa dilo. Baekiši ba senama! Gomme le ya go e katoga bjang? Bao ga se Mamethodist, Mabaptist, Mapresbyterian. Bao ke Mapentecostal, gobane ebile ga ba—ebile ga ba bethe dirime, le gannyan, ntle fale, ba bangwe. Le a bona? Moprefeta o rile e tla direga. Le ya go e thibela bjang go direga? Beibele e boletše bjalo. Ga go Lentšu la Modimo le tla tsogego la šitwa. Ke

Lentšu la Modimo, kafao re na le lona. Re le bona pele ga rena. Phafogang, batho, pele go eba thari kudu.

¹⁰⁵ O itshama godimo ga tshepedišo e ka ba efe, maikutlo e ka ba afe, ism e ka ba efe? O fihla le Modimo, gomme Modimo a nnoši. Fihla fale, go fihla bophelo bja gago bo fetolwa gomme o eba sebopša se seswa ka go Kriste. Modimo o tla hlokomela ka moka ga yona, O nyaka o dire e ka ba eng. Yena, o mo mabakeng go boleleng le Yena gona, O tla go botša. Se leke go O kwera, le go e dira boka ba bangwe. Ge a bone seetša, gomme *yo mongwe* a šikintšwe gohle, gomme *yo mongwe* a dirile se sengwe gape, se iše šedi go seo.

¹⁰⁶ Batho ba masomepedi tlhano ba swere diatla tša bona, bošegong bja go feta, go amogela Moya wo Mokgethwa. Ke makala ke ba bakae. Ge go na le tlala fale, go ne go kokota mo pelong. Yo mongwe le yo mongwe wa lena o swanetše go amogela Moya wo Mokgethwa thwi fao moo le bego le dutše, ge tlala yela. Modimo o rata kudu go O fa go wena go feta o le go O amogela. O ka se tsoge wa fetša tšhegofatšo ya Modimo. O ka se tsoge wa fetša go loka ga Modimo. O ka se e dire.

¹⁰⁷ A o ka eleletša hlapi ye nnyane, botelele bja intšhe ya tee seripa, ntle ka bogare bja lewatle, e re, “Bokaone ke nwe meetse a ka go botaetša gobane a ka no mphelela letšatši le lengwe”? A o ka eleletša legotlo ka tlase ga dišego tše kgolo tša Egepeta, le re, “Ke tla ja thoro e tee ka letšatši, le go dumelela, itumelela nnamong, gobane nka no felelwa pele ga dibjalo tša go latela”? Gabotse, seo e tla ba bošilapuleng.

¹⁰⁸ Gomme go bošilapuleng kudu go nagana gore o ka tsoge wa fetša mogau wa Jesu Kriste, le Maatla a Gagwe, le tlhogelgo ya Gagwe. O e ngwadile ka go Lentšu. O e tshepišitše go wena. Gomme re fa, mosong wo, re lebane le selo ka sefahlego.

¹⁰⁹ Eupša ge o bona ditšhegofatšo tša Modimo di leka go fihla go batho ba Gagwe, le go ba bona ba ne yona e raragantšwe ka tsela e bjalo, A ka se tle ka go tlhagaraga e bjalo ka yeo le go tliša Lentšu la Gagwe. A ka se e dire. Ke phetho. Se—se sebjana se swanetše go hlwekišwa. Ge re fihla magareng ga batho ba Pentecostal, re bona basadi ba moriri wa go kotwa! A le a tseba eibile ga gwa swanelia go mosadi go rapela ka moriri o kotilwe? Go diregile eng? Mmago o be a ka se dire seo, le gamnyane. Go diregile eng?

¹¹⁰ Le ne Ricky tsoko ka morago ga phuluphithi. Le ne se sengwe sa go rutega se sennyane go tšwa sekolong sa Beibele seo se mo tlošitšego kgole le Modimo go feta a ka tsoge a fihla go Modimo. Le thetšwa godimo ga bonolo bja Modimo. Nnete. Le dira eng? Ge o hwetša grata ya bongaka, seo se ra gore o bokgole kudu le Modimo. Ge o hwetša Ph.D., LL.D., goba B.A. ya Bokgabo, o no ba bokgole bjoo kudu le Modimo. Tshepedišo ya thuto e go tloša go Modimo.

¹¹¹ Thuto e bile kgopolو ya diabolo. Bohlale bja lefase e bile kgopolو ya diabolo, go tloga mathomong, go Efa. Gomme pele go theoga lebaka, e lekile go emela tumelo ye bonolo go dumeleng Lentšu la Modimo. Ge Efa a ka be a dumetše feela Lentšu la Modimo, sebakeng sa go hwetša bohlale bjo bontši. Tšere boitemogelo bja gagwe bja seminari fale, gomme o robile mapheko, gomme a hwetša... a ya kgole le Modimo. Gomme seo ke se diseminari tša rena tša thutamodimo le dilo di se dirago. Go tšea motlwae wa—wa selo seo se beilwego ka morago ga seo.

¹¹² Modimo o bonolo. O bonolo kudu, O ya ka godimo ga batho. A letšatši le re phelago ka go lona! Re hloka morago go Modimo, gona.

¹¹³ Eya! Amogela, “Re nagana...” Ya. Gomme Modimo o swanetše go re amogela ka motlwae woo? Ka kgontha a ka se e dire. A sa nke a e dira. Modimo ga sa nke a dira. Ke nyaka rahistori tsoko go nkgala ge go le bjalo, mpotše ke kae.

¹¹⁴ Monna a rometšwe lefaseng ka molaetša go tšwa go Modimo, gomme morago, ka pela ge a dirile, o bile go tatagana le sehlopha sa banna gomme o dirile mokgatlo. Gomme mokgatlo wola o ile go peu. Ga se nke e tsoge gape. Modimo o e beile šelefong. “O fetogile,” bjalo ka ge modiredi yo monnyane a boletše bosegong bja go feta, “dipalo, e sego Moya.” A Presbyterian e kile ya tsoga? A Katoliki e kile ya tsoga go tšwa Nicaea Council?

¹¹⁵ Kereke ya pele ya pentecostal e bile ka—e bile ka pentecost. Goba, ke ra, Kereke ga se nke ya thoma ka Roma, go lena Makatoliki. Ke nyaka yo mongwe go mpontšha moo Kereke e thomilego ka Roma. Mokgatlo o thomile ka Roma, wo o bolailego Kereke. Eupša Kereke e thoma ka Jerusalema, e sego Nicaea. Le a bona? Kgontha.

¹¹⁶ Re thomile kae? Le a bona? Le hwetša... Modimo o tla romela monna tsoko ka molaetša, gomme o tla tatagana le botsebalegi bja dilo tša go fapano, gomme hlogo ya gagwe ya ikgogomoša, gomme o dira mokgatlo. Gomme Modimo o o bea šelefong boka A dirile kereke ya Katoliki, gomme fao bohole re dutše, e lego mmago selo ka moka. Gomme bjale tshepedišo ya rena e a šwalalana.

¹¹⁷ Oo, a nako re phelago ka go yona: ya, gana Molaetša wa Gagwe, gana ditshepišo tša Gagwe, gana bale bao ba rometšwego ka Therešo. Re nyaka Modimo go dira selo sa go swana mo matšatšing a rena, feela tlwa boka A—A dirile nakong yela. Re a e bitša, eupša gona re ikhwetša renabeng re tšhilafaditše gohole, tša sepolitiki tšohle, dikerekemaina tšohle di tšhilafaditše ka tshenyego ya merero ya madirwakemotho. Gomme ke ne sehlopha sa selo se ngwadilwe fase fa seo ke sa swanelago go se bala. Ke a dumela ke tla no se tlogela se nnoši.

¹¹⁸ Lebelelang, bjale, etlang morago go Therešo ya Lentšu. Modimo o phela a nnoši. Modimo o nyaka batho ba Gagwe go

phela ba nnoši le Yena. Ba ka se ikgoke go e ka ba eng, maikutlo e ka ba afe, motlwae. O nyaka bana ba go obamela le Lentšu la Gagwe. A ka bea Lentšu Gagwe ka fale. Modimo o rile, Jesu o rile, “Ge le dula ka go Nna, gomme Mantšu a Ka ka go lena, gona kgopelang se le se ratago.” Seo ke Therešo goba ga se Therešo. Ge eba ke Therešo, e tla šoma.

¹¹⁹ Bjale, le nyaka go tseba fao sephiri se letšego, maatla a dipono le dilo? Ke morago go Lentšu. Ke Lentšu la Modimo. Jesu o be a le Lentšu. O be a le ponagalo ya Modimo. Modimo o be a le ka go Kriste, a boelanya lefase go Yenamong. Gomme O be a le Lentšu. “Mathomong go be go le Lentšu. Gomme Lentšu le dirilwe nama.”

¹²⁰ Gomme Lentšu le nyaka go dirwa nama ya rena. Eupša ge re tatagane gohle ka go mehuta yohle ya dilo, le metlwae, le go dumelelwa go phela boka lefase, le dilo boka tše, morago ra letela Modimo go dira seo? Gobaneng, ka kgonthe A ka se ke, ga ke kgathale ke dilo tše dintši gakaakang re ekišago.

¹²¹ Go fihla lefelong, go fihla, ngwanešu, se sengwe se lokela go direga. Ga ke nyake go le gobatša. Ke nyaka go le šegofatša. Theetšang. Le lengwe la matsatši a, Tlhatlogo e tla tla, gomme Monyalwa o tla be a ile, gomme le ka se tsebe selo ka yona. Ebile ba ka se tsebe Lentšu ka yona.

¹²² Yo mongwe le yo mongwe o a amogela, o re, “Oo, le lengwe la matsatši a, Jesu o tla sepelela ntle mafaufaung, gomme a re, ‘Etlang pele, lena bohole Mapentecostal, goba lena Mabaptist,’” le dikgopololo tša rena tša setlwaedi tša yona. Go ka se be ka mokgwa woo.

¹²³ Kgopolo ya ka ke ye. Letšatši le lengwe ge Jesu a bile . . . Go profetilwe Jesu o tla tla lefaseng. Gomme O tlide, O phetše, O hwile, ga a gona a tsebilego selo ka ga yona, go nyakile. Ebile le ge e le phesente e tee ya Bajuda ba ilego ba tsoge ba tseba O be a le lefaseng. E ka ba tee lekgolo ya lefase e tsogilego ya tseba O be a le gona.

¹²⁴ Johane Mokolobetši; go tšwa go Jesaya, go tšwa go Maleaki, gobaneng, ge ba profetile ka yena, ba rile, “Dithaba tšohle, mafelo a godimo, a tla theošwa. Mafelo ohle a tlase a tla rotošwa. Gomme, oo, ka fao dikgapa . . . Ma—ma matlakala a tla phaphatha diatla tša ona, gomme dithaba di tla kgarama wa dikgapa tše nnyane,” dilo tšela tšohle. Gabotse, bona batho ba setlwaedi ba bile le yona e nagantšhitšwe, ka tsela tsoko ye nngwe. Gomme Johane šo o a tla gomme o rerile tlwa boka A boletše, gomme ebile le barutiwa ga se ba e tseba.

¹²⁵ Letšatši le lengwe ba tla go Yena. O rile, “Morwa wa motho o rotogela Jerusalema.”

¹²⁶ O rile, “Gabotse, gobaneng go le gona, gore Lengwalo le re, bamangwalo ba a ngwala le go re botša, gore, ‘Pele dilo tše di direga, gore Eliase o ya go tla’?”

¹²⁷ O rile, “O šetše a tlide, gomme ga se le e tsebe.” Gomme gona O ba boditše e be e le Johane. Eupša o rile, “O dirile feela se Lengwalo le rilego o tla se dira, gomme ba mo dirile se Lengwalo le se boletšego.” Le a bona?

¹²⁸ Le lengwe la matšatši a, le ya go makala, ge Tlhatlogo yela e etla. Eelewang, go ne e ka ba ba bahlano, batho ba makgolo seswai ba timelago letšatši le lengwe le le lengwe, godimo ga lefase, bao ba ka se ba hlalošego. Gomme O rile, “Bjalo ka ge go bile matšatšing a Noage, go tla ba bjalo go tleng ga Morwa wa motho, moo disoulo tše seswai di phološitšwego.”

¹²⁹ Le lengwe la matšatši a, kahlolo e ya go ratha lefase, ratha setšhaba, ratha kereke, e e swiela bakeng sa Mileniamo woo o tlago. Gomme gona le ya go re, “Gabotse, gobaneng Le rile Tlhatlogo pele e tla pele ga ge dilo tše di direga?”

¹³⁰ O tla re, “E šetše e tlide gomme ga se le e tsebe.” Ya. Yo mongwe mo tseleng ya gagwe go ya kerekeng; mohumagadi yo monnyane a eya felotsoko leetong; ba ile. Ga le tsebe e ya go direga neng. E fetile. E bile ka tsela yeo ka mehla. E tla ba bjalo gape.

¹³¹ Phafogang, batho ba Pentecostal. Šikinyang letsvalo la lena. Lemogang iri yeo le phelago ka go yona. Ye ke nako ya tlhokofalo. Lena batho, ka tsela yeo le dirago batho ba lena go dira le go itshwara, le—le dilo. Gomme go be go fela, le be le lewa ke dihlong. Oo, e be e le bogoboga go Mokriste go ya mobing. Ga se ba swanelo go dira seo, le gannyane. Diabolo o beile e tee go lena. O šunyeditše thelebišene thwi ka ntlong ya gago, gomme o go tlišeditše mobi, mehuta yohle ya tshenyego, se sengwe le se sengwe gape, gomme o a se dumelela.

¹³² Lebelelang dikolo tša rena. Lebelelang ba rena . . . Ntle fa, basetsana ba bannyane mo mokgotheng, ba ngangetšwe ntle ka mehuta yohle ya go apara diaparo tša boitshwarahlepi. Gomme—gomme fa ka go toropokgolo ya Chicago, matšatši a mangwe le a mangwe a masometharo, kgwedi ye nngwe le ye nngwe—ye nngwe le ye nngwe go ne ditiragalo tše dikete tše masometharo tša go ntšha mpa di ngwadišitšwego, feela go tiragalo e tee.

¹³³ Ke dibe tše kae di dirilwego ka go toropokgolo ye bošegong bja go feta? A go be go se kaone ge khoyethe e ngautša tlase go kgabola leganata fa, gomme Modimo a e lebeletše, ge Hopi goba Navajo wa kgale a ile go kgabola ka dinenenkisane tša gagwe? Gona lebelela tšhila ye, gomme feela togotogo, le—le metlwae le dipolitiki. Gomme ke go dutla madi, tlhagaraga ya go selekiša yeo e nkagagompe ka nkong ya Modimo. O tla . . . senyegile, pele ga Gagwe.

¹³⁴ O tla e tseketylanya ka diripana, le lengwe la matšatši a. Gomme O tla thuthupiša lefase, gomme le tla impshafatša lonamong ka mophulego wa bolekheno. Gomme go tla tla

Mileniamo nako yeo, moo baloki ba tla sepelago godimo ga melora ya ba babe, go ya ka bjale, Maleaki.

¹³⁵ Pele, bjale, elelwang, pele seo se direga, le ge, go ne se sengwe go direga. Re hwetša go šikinywa go tšwa go motseta pele e diragala, go lokile, bjale, Molaetša wa rena go letšatši la rena. Bjale hlokamelang.

¹³⁶ Re a hlokomela, mo go tleng ga Morena Jesu, le ge A tlie mo letšatšing la Gagwe. Hlokamelang mo letšatšing la Gagwe, ge A etla.

¹³⁷ Bjale re hwetša gore Roma e be e lebeletše go setsebi segolo sa tša sesole, mesia, yo a ka kgonago go tla le go ragela Gerike go tloga lefaseng, le ka moka ga bona. Gomme—gomme o nyaka... Ba bile le sesegiša. O bile le se sengwe seo a kgonnego go dira ka moka ga bona go lewa ke hlong ka bonabeng. Ba nyakile sehlalefi sa sesole. Ke seo ba se nyakilego.

¹³⁸ Israele e nyakile eng? Mesia. Ba nyakile mesia, mojenerale. Ba nyakile mojenerale go tla, yo a tšeago le go raga Baroma bohole, le go ba rothothela ka ntle ga naga, gomme a hloma Mmušo ka Jerusalema. Modimo o tsebile ditlhoko tša bona. O ba file eng? Lesea; Lesea, Mophološi. O ba file Mophološi. Ba naganne ba be ba phološitšwe, eupša O ba file Mophološi.

¹³⁹ Gomme ke selo se se lego lehono. Ge A ka romela e ka ba eng go rena, e tla ba Mophološi, ge re nagana re phološitšwe. O tsebile se ba bego ba se hloka. Lehono, lebelelang dipolitiki tša rena, ka fao di senyegilego, go swana. Go ka reng ge—go ka reng ge Modimo a ka lebelela lehono?

¹⁴⁰ Lebelelang Russia. Russia a llela mesia. Ba nyaka yo mongwe, se—se sehlalefi sa rasaense, yo a ka ba išago ngwedding pele United States e ka thoma. Ka kgonthe. Ka moka ditšhaba tšohle di se lebeletše. Di nyaka sehlalefi sa rasaense seo se tla ba kitimešetšago ngwedding, se kgonago go tšweletša mohuta tsoko wa pomo woo tlošago tšohle, wa pitiketša dihaetrotšene pomo tša rena le go di emiša; gomme se ka go tšea dipomo tša bona gomme sa e nešetša go yo mongwe le yo mongwe pele e ka ba mang gape a ka thomiša, gomme morago ba tšea lefase ka moka. Woo ke mohuta wa mesia woo Russia e mo lebeletšego.

¹⁴¹ Mengwaga ye makgolo a lesomesenyane ya go feta, Mesia wa therešo o bapotšwe. O tshepišitše go bowa gape. O tshepišitše Moya wo Mokgethwā o tla phadimiša Seetša sa Wona gape, mo matšatšing a mafelelo. Ke a makala, ge A etla, ge re ka no ba boka Bajuda ba bile mo letšatšing lela. Ge eba re lebeletše, ke mohuta ofe wa mesia kereke e mo lebeletšego?

¹⁴² Baptist e lebeletše bakeng sa se—se sengwe gannyane bogolwane go fetiša Billy Graham, yoo a ka go tšea Mamethodist ohle, le Mapresbyterian, le—le Mapentecostal, a re, “Lena bohole homolang. Ke tla dira mokgatlo go tšwa go lena.”

¹⁴³ Mapentecostal ba lebeletše bakeng sa eng? Ba lebeletše bakeng sa sehlalefi go tsoga, seo se ka ba dira bohle Assemblies. Le ma—le ma maoneness a lebeletše bakeng sa mooneness yoo a ka ba dirago bohle oneness. Church of God e lebeletše bakeng sa o tee, go ba dira bohle church of God.

¹⁴⁴ Le dira eng? Le beakanya dikolo tša Beibele le go ba ruta; le go romela bona, bao Modimo a ka ba romago, kgole go tloga go Yena go fetiša ba be ba le mathomong. Ke a tseba ga le dumelane le seo, bontši bja lena. Eupša e ka ba eng . . .

¹⁴⁵ Mme wa ka o be a fela a re botša. Ge re be re le digotlane, re godišeditšwe bodiiding kudu; a bediša matlalo a nama gomme—gomme a hwetše krisi, go re dira borotho bja lehea bja rena. Gomme bošego bjo bongwe le bjo bongwe bja Mokibelo re be re swanetše go—go tšea moelo wa kastroli. Re—re, ya rena . . . Re bile le, go nyakile, tlhakgama, ya kudu bjalo, go ja selo sa go swana, ya ditala, le go ya pele. Gomme mama . . . Ke be ke fela ke hloile selo sela. Ke a dira, efela, lehono, ge ke eya go e tšea. Ke swara nko ya ka, gomme ke re, “Mama, ga ke kgone go e tšea. E a mpetološa. E a mpeleka.”

¹⁴⁶ O rile, “E ka ba eng yeo e sa go belekego e ka se go hole.”

¹⁴⁷ Ke seo e lego bothata ka kereke ya Pentecostal lehono. Ga le nyake go theetša se sengwe seo se tla—seo se tla le holago. Se tla le beleka ka teng ya yena—ya lena ya thutamodimo, eupša e tla le hola. E tla le šidullela, morago go Lentšu la Modimo, le morago go Tumelo yeo e kilego ya fiwa bakgethwa; gomme ya tloša go tšwa yohle fa sekolo sa Beibele, seminari ya thutamodimo, le go fa badiredi mehuta yohle yaigrata. Modimo a sa nke a tsoge a neela lehupa la diapola tše bodila boka tše. O nyaka banna go ba le Tumelo, go dumela se se šetšego se ngwadilwe. Ga wa swanela go kgoboketša selo gape.

¹⁴⁸ Ke a tseba seo se boima. Ga ke fa go le pepetletša, le go le dira le sege, le go le dira le goeletše. Ke fa go le botša Therešo ka go Modimo. Gomme le tla bona, letšatši le lengwe, ge le sa E dumele bjale. Letšatši le lengwe go tla tla ge le tla re, “Seo e be e le nnete.” Therešo. Le swanetše go ya morago.

¹⁴⁹ Selo ka moka se ka go seemo se. Ga se gona se e šaletšego, go tla, eupša go Tla ga Morena Jesu. Gomme A ka se tlele Assemblies of God. A ka se tlele Baptist. O tla tlela motho ka motho mongwe le mongwe. Yeo ke nnete.

¹⁵⁰ [Ga go selo go theipi—Mor.] Gomme ka pela ge Seetša se ratha Peu yela, [Ngwanešu Branham o thwantšha monwana wa gagwe gatee.] ba be ba le go Bophelo bjola ka mokgwa *woo*.

¹⁵¹ Lebelelang baithutamodimo bale ba eme tikologong fale, ge ba Mmone a hlatha dikgopololo tše di bego di le ka pelong ya bona. Ba be ba bone dikekišo tše dintši tša senama, peleng, gomme ba rile, “Monna yo ke Beletsebulu, mmolelelamahlatse.” Bao e be e le baithutamodimo.

¹⁵² Jesu o rile, “Ke lena ba tatago lena, diabolo, gomme mediro ya gagwe le a e dira.”

¹⁵³ Eupša ge mmalegogwana yo monnyane a sepeletše godimo, tlase fale, go sediba ka Samaria. Gomme Jesu o rile go yena, “Sepela, hwetša monnamogatša wa gago.”

O rile, “Ga ke naye.”

¹⁵⁴ O rile, “O boletše therešo. O bile le ba bahlano, le yo o dulago le yena ga se wa gago.”

¹⁵⁵ O rile, “Mohlomphegi, ke a bona gore O moprofeta. Re a tseba, ge Mesia a tlide, O tla dira dilo tše.”

O rile, “Ke nna Yena, yo a bolelago le wena.”

¹⁵⁶ E be e le eng? Seetsa sela se rathile peu yela ye nnyane e kgethetšwegopele, gomme ka pela ya tla Bophelong. Go fapania kudu gakaakang le bona baithutamodimo, bohole ba kitetšwe!

¹⁵⁷ O kitimetše ka go toropokgolo, o rile, “Etlang, bonang Monna o mpoditše dilo ke di dirilego. A leo ga se lona leswao la Mesia leo re le lebeletšego?”

¹⁵⁸ Gomme dingaka tša bomodimo ba eme tikologong, ba rile, “Mothaka yoo ke Beletsebulu.” Le a bona, ga se ba kgona go Se hhaloša. Ga se ba be le tsela go Se hhaloša. Kafao ba be ba swanetše go araba phuthego ya bona, go ba fa mohuta tsoko wa kgo—kgo kgopoloy ya bona beng ya go fetelela.

¹⁵⁹ Selo sa go swana se gorogile gape, gomme banna ba ka se dumele. Batho ba ka se dumele. Dikereke di ka se dumele. Ga go makatše. Le ka se nyamišwe ka go yona, gobane Beibebe e rile ba ka se e dire. Eupša ke lena motho ka motho, lena ba ba hlaletšwego Bophelong. Lebelelang godimo ga mašemo bjale gomme le bone ke iri efe re phelago ka go yona. Etlang Bophelong. Anke Bophelo bjo bo bego bo le ka go Kriste bo tle ka go lena, monagano.

Le rile, “Oo, ke a nagana. Ke nagana se. Ke . . .”

¹⁶⁰ Ga o ne kgopoloy e tlogo. Dumelelang dikgopoloy tše di bego di le ka go Kriste di be ka go lena, gomme tše di Lentšu. Yeo ke nnete. Naganang dikgopoloy tše di nagannego.

¹⁶¹ Bjale, bjale, ke a makala, lehono, Amerika. Nka se le swarelele botelele kudu. Amerika, le be le lla kudukudu. Le nyaka eng? Ke tla gae bjale go tšwa go kgabaganya mašemo. Le nyaka eng? Le nyaka eng go le buša? Le nyaka sehlalefi sa go rutega, se le se nyakago. Gomme le se hweditše. Ga ke nyake go gobatša maikutlo a lena. Nyaka go le botša Therešo. Le se hweditše, ebile ge eba le ile la swanela go tšweletša motšhene wa go bouta wa boradia. Le mo hweditše. Amerika, le tsepeletše go thuto kudu, e sego Beibebe; go thuto.

¹⁶² Dikereke di agilwe godimo ga thuto ya thutamodimo, mohuta tsoko wa tschedepido ya madirwakemotho,

dithutotumelo. Gomme Mapentecostal ba hlehletše thwi ka go selo sela sa go swana, feela boka legogodi le le hlehlagodimo ga meetse, le eya godimo letamong. Nnete. Le nyaka thutotumelo. Ga le nyake Therešo.

¹⁶³ Bjale hlokomelang. Le dirile eng? Se sengwe le se sengwe e be e le thu- . . . Le e nyaka gabotse kudu, go fihla le ne thelebišene ya lena ntle, le go bea Mna. Nixon le Mna. Kennedy fale, go leka bohlale bja bona pele le e dira. Gona, ebile go ne batho ba go loka go lekanela ba šetšego ka Amerika ba ka be ba se ba dira seo; ba tseba bohwa bja bona. Re a tseba re ba kae.

¹⁶⁴ Gomme lena Mademocrat! Ga ešita ga ke Modemocrat goba Morepublican. Nna ke Mokriste. Eupša lena, Mademocrat, bao le tla dumelago Ricky tsoko yo monnyane go tla tikologong, gomme le tla rekiša ditokelotswalo tša lena bakeng sa dipolitiki tša lena, gomme la boutela se sengwe seo setšhaba sa rena se hlomilwego go tloga go sona, dihlong go lena. Le hweditše Ahaba le Isebele wa go swana!

¹⁶⁵ Lena basadi ba Amerika le nyakile fešene. Le hweditše . . . Ga la swanelo go ya Paris bjale. Le ne yona thwi fa, Mofora wa kgontha, go le fa yona. Le na le mekoto ya meriri ya hlogomeetse, le difešene tšohle tša lena le dilo, tše le nyakago go di dira fešene. Le hweditše tlwa se le se nyakago. O ya go le hlahlela kae? Thwi morago go Roma, tlwa moo e tšwago gona.

¹⁶⁶ Gomme lena Maprotestant, le nyaka mokgatlo tsoko wo mogolo go le hlahla, go le laola, go le buša. Le tla o hwetša, lena, Khansele ya Dikereke tša Lefase. David duPlessis o kgona bjang, mogwera wa ka, go tsoge, ka go khansele ya mohlakanelwa ye yeo a bolelago ka yona, le go tlišeng batho ba ba Pentecostal ka go yeo? Bothata ke eng ka lena, Mapentecostal, le golešta gohle, “Ngak. Tate yo Mokgethwa *Semangmang* tsena”? Oo!

¹⁶⁷ Le a tseba Beibele e rile, “Le se bitše motho, ‘tate.’” Bothata ke eng ka lena? Yeo ke thuto ya Morena wa rena. Bothata ke eng? A ga le tsebe Beibele ya lena? A ga le tsebe Morena wa lena? Moya wo Mokgethwa o ka se le rute go dira selo boka seo.

¹⁶⁸ A ga le lemoge gore ge Mapresbyterian a, Malutheran le dilo ba leka go tsena, go hwetša Woo, ke bofelo bja nako? Ga ba tsene. Beibele e rile ga ba dire. “Ge ba sa tla go hwetša Oli, Monyadi a tla; ge ba ile go hwetša Oli.” Gona go reng ka Tlhatlogo bjale? Le a bona? Beibele e boletše, gore, “Ge kgarebe ya go robala e etla go reka Oli.” Ke ba bakae ba tsebago ke therešo? [Phuthego e re, “Amene.”—Mor.] “Ge kgarebe ya go robala e etla go hwetša Oli, Monyalwa o tsene.” Ga se ba E hwetša.

¹⁶⁹ Ba tla morago, gomme ba ile ba lahlelwa leswiswing la ntltentle. Ge le ekwa mabarebare a ka ga Mamethodist a mantši bjalo, Maprsebyterian, Mabaptist; bothata ka lena? Phafogang. Go thari go feta le nagana. Ba tla morago. Eupša ba ka be ba

bile le maikutlo, eupša ba be ba se Fale. Elelwang, ba be ba le leswiswing la ntentle.

Mohlomongwe ba re, “Se se ya go direga neng?”

¹⁷⁰ Ba rile, “Go ka no be go šetše, le lengwe la matšatši a, gomme le ka se tsebe gobaneng, bjang.” Ke a holofela le ka bala. Ke a holofela le ka kgora, le na le Moya wa Kriste go lekanelo go tseba se ke bolelago ka sona, Moya wo Mokgethwa o se utolla go lena. Tše di theipilwe, gomme di ya go dikologa lefase. Le a bona? Eupša le a lemoga.

¹⁷¹ Feela matšatši a semakae a go feta, ge bona Barongwa ba šupago ba tlide tlase ka go pono yela. Ba bantsi ba lena ba tseba ka yona. Ba rile, “Eya Tucson gomme o lete fale lebaka ka lebakana, gomme o tla kwa mothuthupo o rutlologa. Ge o eya, boela morago.” Gomme Mahuto a Šupago a ile a bulwa mo tabarenekeleng, letšatši le lengwe. Ge kē bone batho ba etla, go tlogeng go emeng fale, iri ya boraro mo mosong, go hwetša lefelo, go tsena ka otitoriamong, le go ya pele. Go boneng dipelo tše swerwego ke tlala di etla go tšwa gohlegohle. Ke naganne, “O Modimo, re tlemegile go ba bofelong bjale.” Elelwang, “Go galagatša ga morongwa wa bošupa, diphiri tša modimo di be di feditšwe.” “Gomme go tlide Morongwa go tšwa Legodimong, gomme o enne ka diatla tša Gagwe di phagamišetšwe go tšwa Legodimong,” Kutollo 10:1 go ya go 7, “gore nako e ka se sa ba gona.” Tlwa nnete, iri.

¹⁷² Ke kereke efe A tlago go yona? Kereke yeo re phelago ka go yona, Lebaka la Kereke ya Laodikia, lebaka la kereke la mafelelo, ge bolelo, feela go lekanelo go bina tikologong, a re, “Ee, ke O hweditše. Ke boletše ka maleme. Ke goleeditše. Haleluya. Ke O hweditše.” Le go tla morago ka dikerekeng tša rena, go bonala eke ke sehlopha sa boIsebele, go bonala eke ke sehlopha sa ga ke tsebe eng, tshenyego. Elelwang, bokantle bja gago bo hlagiša bokagare bja gago. Ga go kgathale bopaki bja gago ke bjo bontši gakaakang, bophelo bja gago bo bolela kudu go fetiša mantšu a gago. Oo!

¹⁷³ Re fa. Re gorogile. Se sengwe se lokela go direga. Se tla go tšwa Godimo, e sego go tšwa go e ka ba seng sa dilo tše fa. Se tla go tšwa Godimo. Modimo o tla romela Kriste. Amene.

¹⁷⁴ Ya, re hweditše sehlalefi sa rena. Se go kae? Bjale le nyaka sehlalefi, lefase la kereke. Ga ke re lena motho ka motho fa. Ye e theipilwe. Go reng ka yona? Le a e nyaka. Le tla e hwetša, eyang thwi ka go khansele ya dikerekere, sona selo seo le tšwilego go sona, go ba se le lego. Gomme morago mokgatlo wa lena o le hlahlala thwi morago ka go sona gape, feela tlwa se le tšwilego go sona, selo seo Modimo a se rogakilego, tšhilafalo yela, tšhila le matšhila. Gobaneng, ka go khansele yela ya dikerekere, ba bangwe ba bona ebile ga ba dumele ka go tswalo ya kgarebe, go Tla ga

Kriste, goba selo gape. “Gomme ba babedi ba ka sepela mmogo bjang ntle le ge ba kwane?” Ke lena bao.

Gabotse, ke nako, ke a thanka, go nna go tlogela.

¹⁷⁵ Ngwanešu goba kgaetsedi, nno elelwa se, re mo nakong ya bofelo. Thuto e tšere legato la phološo. Kereke ya kerekeleina e tšere legato la Mmele le Monyalwa wa Kriste. Le dutše ka go tshenyego yela yohle, ke se le se nyakago. Ke seo batho ba se nyakago. Ke seo se lego ka kerekeng ya Amerika. Ke seo se lego ka go Mapentecostal. Ba nyaka yo mongwe e sego go tla go ba botša Therešo. Ga ba E nyake. O a ba botša; ba re, “Ga ka swanela go theetsa selo se sebjalo ka Seo,” ba retollela nko ya bona ye nnyane godimo gomme ba sepela go tšwa moagong. Ba ka se E theetše. Gobaneng? Ke seo se lego ka pelong ya bona. Ba hlagiša tlwa se ba lego. Ke ofe wa baprofeta a kilego a tla mo matšatšing a kgale? Ke nako efe Kriste a tlidego? Ke motseta ofe a kilego a tla go tšwa Legodimong eupša yo kereke e mo gannego? Re fa. Lefase le a šwalalana. Kereke e a šwalalana. Ditshepedišo di a šwalalana. Gobaneng? Gobane ke tshepedišo ka ntle ga Modimo. Ke yona. Re—re bofelong bja nako. Ga se gona gape se ka dirwago. Ee, mohlomphegi. Se sengwe le se sengwe, elelwang.

¹⁷⁶ A re no botšišang potšišo ye pele re eya pele. Go ka reng—go ka reng ge Russia e hweditše mesia wa yona? Go tla diragala eng go rena? Le a bona? A re elelweng, Jeremane e hweditšwe wa bona, e sego kgale kudu. Re tla elelwa seo. Ba hweditše mesia wa bona, Hitler wa bona, sehlalefi sa bona. Go ka reng ge Russia e hweditše wa yona, go tla direga eng? Ge go ka be go se ne Modimo wa kgaogelo ka Legodimong, ga ke tsebe se re tla se dirago, gomme dikholofelo tša rena di tla be di ile.

¹⁷⁷ Go ne Kereke ya therešo. Go ne Kereke yeo e letilego bakeng sa go Tla ga Morena. Modimo ka mehla o tla e fa, eupša feela bale ba ba hlaotšwego. Le re, “Ke mohola ofe go tla e dirago go ema, ge e le mohuta wo wa tshepedišo?” Go na le Peu yeo e kgethetšwegopele. Ge Seetša sela se ratha, ba tla se swara ka mokgwa *woo*. [Ngwanešu Branham o thwantšha monwana wa gagwe gatee—Mor.] O tla khukhuša. Ba tla khukhuša, gonabjale. Kgonthe.

¹⁷⁸ Ba bangwe ba tla no ya thwi ka godimo ga yona. Ba dumela go tshepedišo ya bona. Gomme yeo e no ba tsela ka mehla e lego, boka go bile matšatšing a Noage. Ba dumetše selo sa go swana.

¹⁷⁹ Bale ba ba bego ba kgethetšwepele go Bophelo bjo Bosafelego, ba Bo hweditše. “Ga go motho a ka tlago go Nna,” go boletše Jesu, “ntle ga ge Tate wa Ka a mo goga. Gomme bohle Tate a Mphilego ba tla tla.” Re no swanela go phatlalatša Peu, go lahlela Seetša. Oo, yo mongwe le yo mongwe wa lena o swanetše go ba ntloseetša.

¹⁸⁰ Lena Mapentecostal le tleleimago go ba kudu bjalo! Lena Mapentecostal le tleleimago go atla komiki ya gauta ya dirimi

tša ditšhegofatšo tša Kriste! Lena basadi le kgonago go ya ntle fa le go dumelela le go dira, le go dumelela badiredi ba lena ba lebaka le go le goketša le go le botša go lokile go lena go tlogela digotlane tša lena go apara dišothi, le lena basadi, bokoko, go kota moriri wa lena. Gomme ga le tsebe Beibele e boletše gore mosadi . . . Mosadi yoo a kotago moriri wa gagwe, Beibele e rile monnamogatša wa gagwe o ne tokelo go mo tlogela. “Ga a hlomphege.” Go be go fela go eba phošo. Pente? Go ne mosadi o tee a nnoši ka Beibeleng a kilego a penta sefahlego sa gagwe, gomme yoo e be e le Isebele. Gomme Modimo o fepile dimpša ka yena. Kafao le bona seo se se tla bago, nama ya tlwaelo ya mpša. Kafao le se ke—le se ke . . . Nno bang kgole le dilo tše. Seo ga sa swanelia Bakriste. Ya.

¹⁸¹ Ba botše ka ga yona. “Gabotse, ke nna wa Assemblies. Ke nna wa oneness. Ke nna wa *ye*.” Yeo ke nnete. Ke seo o lego wa sona. Eupša ge o le wa Kriste, go tla fapania.

¹⁸² Ge Lentšu la Modimo le Peu ya Modimo e be e le ka fale, e tla khukhuša mohlala wa Bokriste. E tla khukhuša se sengwe seo lefase le tla se segago le go dira metlwae ka sona, boka le dirile Morena ge A etla, boka le dirile moprofeta yo mongwe le yo mongwe yoo a ttago. Ba segile le go dira metlæ ka bona, gomme ba ba lahletše ka mabitleng. Eupša go tla tsogo. Lefase le, banna ba ka nne ba phelela lefase le, lefase le le ttago. Go ya ka fao dikgopololo tša gago di lego gona, ke moo mahumo a gago a lego le ona. Anke go be Legodimong le go Tla ga Morena. E ba mohlala wa bosadi. Eba mohlala wa bona. Eba mohlala wa Mokriste. Phela Bophelo. Dira se se lokilego.

¹⁸³ Batho lehono, ebile le baebangedi ba rena, ba rata tšhelete. Se sengwe le se sengwe, ba swanetše go ba le bokaalo kudu bja tšhelete bo tshepišitšwe le dilo tše kgolo bogolo, le ditheo tša moago wo mogolo le dilo boka tše, feela sona selo seo Pentecost e tšwilego go sona. Ke rena bao, thwi morago gape. Ke eng? Gohle go benya le go phatsima. Le a tseba, se sengwe le se sengwe se swanetše go phatsima. Hollywood e a phatsima, nnete, eupša Ebangedi e phadima. Go ne phapano ye kgolo magareng ga go phatsima le go phadima. Moo ke—ke kereke e phatsimago, e lego difeſene tša Hollywood, dikereke tše kgolokgolo, ntlhora ya yona ye kgolokgolo, mašaba a go apara bokaonekaone, le go ya pele, e phadima ka bao, maloko a magologolo. Mabaptist a bile le, ka '44, “Milione bontši ka '44,” ka tlase ga Ngak. Billy Graham le ba bantši ba bale.

¹⁸⁴ Ge ke be ke dutše difihlolong tša Billy Graham, fa e se kgale kudu, ka toropongkgolo ya rena. Monna, moebangedi, monna yo mogolo wa Modimo! Ke a mo rapediša, kgafetšakgafetša. O letše mošola, a babja. Ke a mo hlompha. Ke sekai sela se ilego ka Sodoma mošola, gomme o ntšheditše Masodoma ntle, yo mongwe le yo mongwe a ka go ntšhetšwa ntle.

¹⁸⁵ Eupša, elelwang, Kereke Mokgethiwa e be e se ka Sodoma. Go be go na le Morongwa a dutše fale, le yena, gomme O ba laeditše leswao, Kereke Mokgethiwa.

¹⁸⁶ Eupša ge a dirile, a eme godimo fale, gomme ke mmona a eme fale, o rile, "Bothata ke eng fa?" O rile, "Ke . . ." O rile, "Mohlala šo." O rile, "Mokgethwa Paulo o ile ka toropongkgolo, gomme o bile le mosokologi o tee. O ile morago, ngwaga moragorago, o dirile eng, diregile? O bile le ba masometharo ka yola o tee." O rile, "Ke ya ka go toropokgolo, ka ba le basokologi ba dikete tše masometharo ka dibeke tše tshela. Ke bowa morago ngwaga moragorago gomme ga ke kgone go hwetša masometharo. Bothata ke eng?" O rile, "Ke lena bareri ba dibodu." O rile, "Le tsea dikarata tša lena tša sephetho, le go dula ka maoto a lena godimo ga teske felotsoko, gomme la ba leletša mogaleng." Gomme o ile pele. Ke ratile monna sebakeng sa sebete sa gagwe.

¹⁸⁷ Ke hloya go bona wa sesadi, mogogwakanko tsoko wa kerekeleina. Ke—ke rata monna, monna morongwa ke Modimo yoo a emelago dikgodišego tša gagwe, go sa kgathale. Ge a netefaditšwe go ba phošo, o a e amogela, gomme a tla morago le go thomiša gape. Yeo ke nnete.

¹⁸⁸ Gomme o eme fale gomme o boletše ka mokgwa wola. Gomme ke naganne. Ke be ke dutše le Ngak. Mordecai Ham, go moo, ke mogwera wa ka wa sebele, ngwanešu wa Mobaptist. Gomme ke mo tsebile, oo, lebaka la mengwaga le mengwaga le mengwaga, gomme re dirišane mmogo. Gomme yena le nna re be re dutše mo tafoleng, mmogo. Ke tla legaeng la gagwe. Re ile tlase mmogo. Re dutše fale.

¹⁸⁹ Ke naganne, "Oo, nna!" Bjang? E sego go tsenatsena goba go bolela e ka ba eng ka ga moebangedi yo mogologolo. Eupša ke naganne, "Billy, ke mang wa badiredi ka Antioka, ge Paulo a ile ka Antioka gomme a hweditšwe mosokologi o tee, ke modiredi ofe fale a tšerego mosokologi yola, le ka ofising ya gagwe, ya sephiri, gomme a mo fepile le go bolela le yena?" Go be go se le ofe. Gobaneng? Paulo o mo išitše bokgole kudu mošola wa dilo tša lefase, oo, go fihla Modimo a medile le go tsema ka pelong ya gagwe. Moapostola yola ga se nke a lese soulo yela e tee e sepele, go fihla ka kgontha a medile le go tsema ka go Kriste.

¹⁹⁰ Gomme, lehono, re dira eng? Re godiša basetsana ba bannyane ba kgale ba, le banna le basadi, ke ba dikereke, gomme ba dira sephetho, mo iring ya sephetho, le dilo boka tše. Ba tliša ka gare, le go ba romela thwi morago ntle, go rata seo. Gomme eng? Ga ba ye felo, golebjalo. Gomme ga se ba be le selo eupša maitirišo a mannyane a maikutlo, ka Lentšu. Ka kgontha go tla dira seo. Le a bona? Go tla dira seo. Go tla dira maikutlo. Ke seo se diregilego go Pentecost. E ile ka tlase ga maikutlo. Go diregile eng go yona yohle!

¹⁹¹ Boebangedi, ke nnete yeo e yago pele. Jesu o rile, "Lahlelang ka lewatleng." Gomme ge a tlišitše pele, e bile le dipshinyaleraga, dikhudumeetse, dinoga, digwagwa, le se sengwe le se sengwe gape ka go yona. Eupša eéléwang, e be e le tšeо le go tloga mathomong. Go be go na le hlapi ka fale, le yona. Ke feela modiro wa rena go nyaka. Modiro wa Modimo go bolela ke mang hlapi le ke mang a sego yona. Le a bona? Gobaneng bona ba sa ke? Ge ba tšerwe feela bokgole bjoo ka Mmušong wa Modimo, bona dikete tše masometharo, bjalo ka ge wa Paulo a bile, ge a etla morago o tla ba le dikete tše makgolo nne le masometharo. Le a bona? Gobane pelo ya bona e tla be e tuka kudu.

¹⁹² Boka Ngwanešu Crow yo monnyane a boletše bošegong bja go feta. Ke kgahlilwe ke sebete sa gagwe—sa gagwe—sa gagwe. Ke kgahlilwe ke kemo ya gagwe, go ema ka tlase ga kgodišego ya gagwe. Ge Seetša se phadima, šole o a ema. O ka se tsoge wa mo šunyetša ka go e ka ba efe ya ditshepedišo, ge a ema ka tsela ye a lego, gomme gona go ya ka mokgwa wola. Ke kgahlwa bjang ke monna wa mohuta woo! Ee, mohlomphegi.

¹⁹³ Anke e ka ba mang a bolele ge eba ke lebega boka sebjana sa tša boso. Bokaone ke lebege goka sebjana sa tša boso, bakeng sa Modimo, go feta Mardi Gras tsoko a pentilwego bakeng sa diabolo. Le swanetše go lebelela, bakeng sa se sengwe, golebjalo. Seo ke nnete tlwa. Ke lena bao. Eupša, le a bona, ke tshepedišo dilo tšeо re phelago ka go tšona le go šoma ka tšona lehono. Ke lena bao. Selo ka moka se fetogile go senyega, thwi go ya kgwekgweng.

¹⁹⁴ Bjale re na le Ricky wa rena godimo fale. Bjale le ya go dira eng ka yena? Le a bona? Ba no ba ba fofela ka gare boka—boka dinonyantanšo. Nnete tlwa. Kabinete ka moka, selo ka moka, se sengwe le se sengwe, tshepedišo ya ditolara tše milione. Ke seo le se nyakago. Ke seo kereke e se nyakago. Ke ka lebaka leo le tsenago. Go bonolo kudu bjale go tsena ka kerekeng. Oo, nna! Mapentecostal, sohle o swanetšeego go se dira ke go šikinya gannyane nthatana, go taboga gannyane nthatana, goba go re o ne mohuta tsoko wa bopaki. Mang kapa mang a ka paka.

¹⁹⁵ Le swanetše go ya le nna ka India, nako ye nngwe, gomme le theetše bopaki bja Mohindu. Ba tla go dira o lewe ke hlong, wenamong. Nnete. Le swanetše go ya morago ka Afrika, Bakgothu, gomme ba ke ba bolaye phoofolo gomme ba iphitse madi gohlegohle bonabeng. Theetšang mabopaki a bona, le maikutlo, le go bolela ka maleme, kgonthe; ba rapela modingwana, ba fafatša ka madi.

¹⁹⁶ O Modimo, ke duma bjang nka kgona go dira motho yo mongwe le yo mongwe fa go bona seo! Ka kgonthe. Diabolo o ekiša selo se sengwe le se sengwe—se sengwe le se sengwe seo Modimo a se beago ntle. O a se ekiša. Ebile le go Therešo ya

Modimo, o a E ekiša. Seo ke therešo tlwa. Hlokomelang. Bona šebale. Eupša kereke e nyaka eng?

¹⁹⁷ Setšhaba se nyaka se sengwe seo ba ka kgonago go se hwetša, e sego mopresidente godimo fale, o tla dula fase fale ka kabineteng, o tla emiša ditšiebadimo tše, le go dira ditoropokgolo tše go oma kudu ka... go tloga go digatamoroko, ba swanetše go mo phagamiša yenamong seripa sa iri go hwetša monola go tshwa. Eupša—eupša bona—bona ga ba nyake se sengwe boka seo. Ba nyaka mothaka tsoko ka fale a yago go ba fa piri ka moka ba e nyakago, le go e bea molaong, morago a mo sware ge eba o tagwa kudu; le—le go kata, le mafelo a digafi, le se sengwe le se sengwe gape se lego, le diketekete tša matlhekge mo ditseleng, baotledi ba ditagwa. Gomme ba ya ntle fale mo tseleng, gomme o tlogela mootledi wa setagwa a ye ntle gomme a thule yo mongwe le go mmolaya, o a swarelwia. Gomme, go nna, ke polao ya maikemisetšo.

¹⁹⁸ Anke mothaka tsoko, ntle a keteka, gomme a ye ntle le go thuntšha sethunya, makga a mabedi goba a mararo, mo moyeng, gomme ba tla mo romela kgole kudu ka kgolegong o tla bola pele o mo ntšhetša ntle. Ke eng? Ke lena bao. Tshepedišo ya lena šeo ya lefase. Ga go na toka ka go yona.

¹⁹⁹ Monna yo, a bolela ka ga mmušo wa United States. Kgonthe, mmušo wo mongwe le wo mongwe ka lefaseng o laolwa ke diabolo, tshepedišo ye nngwe le ye nngwe. Ye nngwe le ye nngwe... Jesu o boletše bjalo. Sathane o dumetše, "Yohle ye ke ya ka. Ke dira ka yona e ka ba eng ke nyakago." Re mo kae, gona, lehono? Lebelelang moo re emego.

Bjale ke eng ke swanetšego go e bolela, go tswaleleng ye, mogwera?

²⁰⁰ O bona lefase la politiki le a šwalalana. Re ya thwi morago go Roma, fa ka United States, feela ka lebelo ka moo re kgonago go ya. Beibele e rile re tla e dira, Kutollo 13. Gomme ke rena ba. E dirile eng? Ba ile ba swanelia go ba le sehlopha se segolo sa mekgatlo, eyang ka go Kutollo 17, "Mme wa kgale wa seotswa le bohole barwedi ba gagwe." Yena šole o ya morago, kerekeleina ye nngwe le ye nngwe thwi le yena. Bona šebale. Ba ne farao a tsogago godimo, yoo a sa tsebego Josefa, gomme šefa re a ya, selo ka moka. Gomme ebile le baetapele ba rena ba Pentecostal, ba lahlela yo mongwe le yo mongwe thwi ka go matsaka ale a magolo a Hollywood, gomme ba tseela batho ka gare, ka mometšo wo mogolo. Wa... Oo, yona ke...

Modimo, thuša setšhaba se. Modimo, thuša batho ba.

²⁰¹ Nako ye nngwe go tla dira moisa a ikwe boka go ya mokgotheng le go goelela. Eupša ke a tseba Beibele e a bolela, gore, "Ga go motho a ka tlago ntle ga ge Tate wa Ka a mo goga." Ke a tseba gore dilo tše di swanetše go ba di direga mo matšatsing a. Ke bona Seetša, Seetša sa Modimo, se phurologela pele. Ke

bona ya maaka ntle mošola; le go taga gohle le . . . goba, matsaka le go taga, mmogo. Gomme ke swanetše ke dire eng?

²⁰² Morena Jesu, nthuše ke be therešo go fihla O etla. Anke ke eme, O Modimo. Anke ke tsee kemo ya ka gomme ke dule fa, Morena, feela ke šuthe ge O ntšhutiša.

²⁰³ Nka bolela eng go batho ba ba ka kgonthe ba dumelago Modimo? Ke pentile seswantšho sa go tšoša. Ke ne bonnyane matlakala a masomepedi fa, eupša go thari kudu, a feela boithekgo bjo bonnyane bjoo ke ngwadilego sehlogo. Ke swanetše ke bolele eng mosong wo? Ke swanetše ke le tlogelele eng? Goba, le go kae?

²⁰⁴ Ke sotše mekgatlo ya lena, e sego go sola lena. Ke sola tshepedišo yeo e le tlišitšego ka go lefelo le lego. Ga ke sole lena, banešu ba ka ba badiredi. Le ne tebelelo e fošagetšego ka ga nna. Ke leka go le thuša. Go ka reng ge ke go bone mo sekepeng o theoga noka mošola, go leba diphororo, gomme ke tsebile gore sekepe sela se ka se thunye diphororo tšela? Gomme ke a go goeletša, “Etšwa fao!” Ga se ka gobane ga ke go rate. Ke ka gobane ke a go rata. Tshepedišo yela o lego ka go yona e tla ya heleng moo e tšwago gona.

²⁰⁵ Ke be ke bolela le mokgalabje letšatši le lengwe. Mošemane yo monnyane o tsene ka lebenkeleng, fale ka Tucson moo ke bego ke le. Ke tsene go reka Special K tsoko—tsoko bakeng sa difihlolo. Go be go na le mošemane yo monnyane a eme fale, a reka disekerete. Ke rile, “Ke tša mang, mmago?”

O rile, “Aowa. Ke tša mošemane yola a dutšego fale.”

Ke rile, “A o godile go lekanel?”

O rile, “Ee.”

²⁰⁶ Ke rile go monna wa krosari, ke rile, “Ga a tsoge a ba yo mogolo go lekanel.” Le a bona? Eupša le . . .

²⁰⁷ Ba—ba batho ba thoma go nagana seo se lokile. Go kgoga ke botsebalegi. Gomme dikereke di dira feela go nwa sekiale, feela go nwa ga sebjalebajle. Oo, jonna joo! Ke eng le . . . Le hwetša selo seo kae? Se ka ntle ga tshepedišo, e sego go tšwa go Lentšu la Modimo. “Yena yoo ebile a fago moagišani wa gagwe seno se sethata.” Le a bona? Kgontha, ke yona. Ke—ke lerope, go senya setšhaba sa rena, matsaka a Hollywood. Gomme fao ke moo re fihlago, ka go tlhagaraga ye bjalo ka yeo. Ke rena ba ka go mohuta woo wa sebopego.

²⁰⁸ Mokgalabje yo o rile go nna, o rile, “Gabotse,” o rile, “ke mo kwela bohloko.” O rile, “Ke mohuta o thata, go tšwa—go tšwa . . . go wona, go rena go tlogela. A go bothata? A go ka se be bothata go wena go tlogela?”

Ke rile, “Ga se nke ka tsoge ka thoma.”

²⁰⁹ O rile, “Oo, ga o kgoge.” O rile, “Ke a go thakgalela, moisa.” O be a ka ba bogolo bja mengwaga ye masomešupa.

Ke rile, “Ke a leboga.”

O rile, “Boka wisiki, tsela ya go swana.”

Gomme ke rile, “Ga ke nwe.”

²¹⁰ O rile, “Gabotse, ke thakgatšwa ke seo.” O rile, “Ke a nagana ke . . . Ge monna a nyaka go tla gae, a nwa galase ya piri,” o rile, “go lokile. Eupša ge ba tšeа basadi ba, gomme ba ntle fa mo mekgotheng, le go ya pele, ba tagilwe, le go kitima gohle. . . Monnamogatša wa gagwe o ya mošomong, morago ba ba le koloi, gomme ntle gomme ba ile.”

²¹¹ Ke rile, “Ba be ba se ba swanego go tsoge ba dumeletše mosadi ka morago ga lebilo.” Šaatena, ge nkabe ke le gona, o be a ka se e dire, ge nkabe ke ne e ka ba eng go bolela ka yona.

²¹² Ba re basadi ke baotledi ba go bolokega kudukudu. Ke nna moeti wa boditšhabatšhaba. Nna le morwa wa ka, re kgabaganya naga ye, re beile puku ka—ka koloing. Gomme nako ye nngwe le ye nngwe woowoo e biditšwe, re tepogile tseleng, re e marakile fase, “monna” goba “mosadi.” Gomme go tšwa go makgolo tharo, go bile le makgolopedi masomeseswai tee a tšona di hlotšwe ke basadi; tše lesomesenyane tša tšona ke banna. Yeo ke tlwa. Efela, o dutše fale le go gogela moriri wa gagwe godimo. Gomme o retologa ka mokgwa *wo*, le go dira nngele ya le letona, le se sengwe le se sengwe. Eupša, oo, nnete, maphodisa ga a ye go bolela seo. Ba ne bona mo sephodiseng. A bogoboga!

²¹³ Ge mosadi a tloga ka morago ga tafola ka moraleng, ka ntlong, go hlokomela bodiredi bja gagwe bjo bonnyane Modimo a mo filego, o ka ntle ga thato ya Modimo.

²¹⁴ Mmeye phuluphithing, o ka ntle ga thato ya Modimo. Ga go Lengwalo bakeng sa moreri wa mosadi. Ke nyaka monna yo itšego go ema le go mpotša seo, a ntebelele sefahlegong. Ga go selo se sebjalo. Gore, Pentecost ke medu ya selo seo. Ga se nke gwa ba! Adama o bopilwe pele, gomme morago Efa. Adama ga se a forwa. Eupša, efela, le a e dira. Gomme le bona moo le ikišitšego lenabeng? Ntlentle fa lekabeng, leo, ga le kgone go tla morago bjale. Eupša le ya fale. Ke yona. Leo ke Lentšu. Ke seo le se nyakago. Ke seo le se nyakago. Ke seo le se hweditšego. Le a bona?

²¹⁵ Eupša go bale ba lebeletšego go Mmušo Wo Moagi le Modiro wa Modimo, re amogela Mmušo.

²¹⁶ Ga se re lebelele bakeng sa kerekeleina. Ga se re lebele- . . . Le ge, bale ba ratago Modimo, ga se ra lebelela go sehlalefi tsoko sa kerekeleina. Ga ra lebelela bakeng sa radipalo tsoko yo mogolo bogolo a ka emago fa le go re botša ka fao re ka dirago dipalo tše dintši, le go ya pele, le go ya ntle mekgotheng le go itapiša lenabeng go hwa go tliša maloko. Le hweditše eng? Le

tliša dikolobe tše dintši ka hokong. Ke tšohle. Gomme ke eng e bago ge e fihla fale? Dikošo. Tlwa.

Modimo o ba tswalela ka Mmušong, Godimo. Yeo ke nnete tlwa.

²¹⁷ Mošemane tsoko a efa Billy Graham, ke a thanka le e badile ka go *Post*, go omanya, ka ga se a se dirilego. Bob Jones o rile go Billy Graham . . . Bob Jones o ne go goeletša kudu ka ga, a ga a? Nnete. Billy Graham o dirile bontši bakeng sa Mmušo wa Modimo mo mengwageng e se mekae a bilego ka tšhemong, go feta Bob Jones a ka dirago ge a ka dula fa mengwaga ye milione botelele. Yeo ke nnete. Eupsa o bolela eng? "Billy Graham feela o no ya ntle gomme o re, gabotse, ga a ne kerekeleina, o ba iša go bona." Modimo a šegofatše monna go seo. Ee, mohlomphegi. Le dira eng? Le mo tliša ka gare, la mo dira ngwana go menagana gabedi kudu wa hele, o be a le, ge le mo topile mo mokgotheng.

²¹⁸ Barutiwa ga se nke ba ba iša go kerekeleina e ka ba efe. Ba bile le bona ba tlatšwa ka Moya wo Mokgethwa le ka go Mmušo wa Modimo. Gomme fale Moya wo Mokgethwa o tšere taolo. Ee, mohlomphegi.

²¹⁹ Bjale, eupša ba rile o dirile sekoloto go kereke, ka go se tše mokga- . . . go ba dira bohole ba ye ka mokgatlong. Ke a thanka bohole ba swanetše go ba ba Kholetše ya Bob Jones. Le a bona? Gona ka kgonthe ba be ba le ka ntle ga mothalo wa bona. Bjale, gomme bohole ba mo ba bitšwago, ba bitšwago bamotheo, le selo sohle se fa. Ke ditšiebadimo.

²²⁰ Re lebeletše eng, bagwera? Ke rena eng? Kereke ya kgonthe ga se e lebelele bakeng sa kerekeleina, ga se e lebelele bakeng sa mopresidente, ga se e lebelele bakeng sa sehlalefi go tsoga. Eupsa ba lebeletše bakeng sa Mmušo le Kgoši go tla. Mmušo ke eng? O lefaseng bjale. Ke Moya, Mmele wa Kriste wa sephiri. Ka Fale, ba tšwile ntle ga Presbyterian, Mamethodist, Mapentecostal, le se sengwe le se sengwe. Ba ka go Mmušo wo. Ba tswaletše ka Fale. Ba tsena ka Fale ka kolobetše ya Moya wo Mokgethwa, gomme ba ka go Mmušo wo. Gomme re lebeletše bakeng sa Kgoši go tla go Mmušo wo, yoo a tla go hloma Mmušo wa Gagwe godimo fa mo lefaseng, mo teroneng ya Gagwe—ya Gagwe, terone ya Dafida. O tla buša le go rena go ya go ile. Ke seo Kereke e se lebeletše.

²²¹ Gomme selo se sebotse ka yona, bagwera, ke, naganang ka se. Pele re fihla go Mmušo wo . . . Pele Kgoši ye e etla, bjale re ka dula mmogo mafelong a Legodimong ka go Kriste Jesu, re phagamišeditše ka godimo ga meriti yohle ya tshenyego yohle ya lefase, le mananeo ohle a bona a thelebišene, le ditšiebadimo tšohle tše dingwe tše ba nago le tšona mo lefaseng lehono, le tšhilafalo yohle ya bona ya go bola le ditshepedišo, le se sengwe le se sengwe. Ra phagamišetše godimo ka go mafelo a Legodimong! Gomme Moya wo Mokgethwa, Yenamong, o tla godimo ga rena, le go bolela ntle le go go bitša go rena dibe tša

rena, le go re botša ka fao re ka otlollwago, le se re se dirilego bophelong, le se re se dirago. Ke Moya wo Mokgethwa, Jesu Kriste wa go swana maabane, lehono le go ya go ile. Yoo ke Kgoši yoo a tla tlago go Mmušo wa Gagwe letšatši le lengwe. Gomme Mmušo wa Gagwe bjale o hlomamišitšwe ka dipelong tša batho ba Gagwe fa mo lefaseng.

²²² Modimo a le šegofatše. Ge nka se tsoge . . . Le ka no se nthate morago ga se. Le a bona? Le ka no se nthate, eupša letšatši le lengwe le ya go lemoga gore Yeo ke Therešo. Bjale, Modimo a le šegofatše. Ga ke ye go le swarelela botelele, eupša ke nyaka le elewe se.

²²³ Re lebeletše bakeng sa Mmušo, gomme re a amogela bjale Mmušo woo o ka se šuthišwego. Re amogela se sengwe ka dipelong tša rena, seo go se nago bodiabolo ka heleng ba ka se šikinyago. Ga se gona.

²²⁴ Mokgalabje yo godimo fale, letšatši le lengwe, o rile, “Gabotse,” o rile, “ke tla go botša.” O rile, “Sese se se lego, mohlomphegi.” Ke mmoditše ke nna modiredi, lebaka leo ke sa kgogago le go nwa, le go ya pele. O rile, “Gabotse, ke—ke thakgalela seo.” O rile, “Seo ke nneta.” O rile, “Ge ke be ke le sephodiseng, se sengwe le se sengwe,” o rile, “e be e le go seleka ga bana. Ke seo re nago le sona lehono.”

²²⁵ Ke rile, “Mohlomphegi, ga ke nyake go se dumelane le wena. Eupša,” ke rile, “ga se go seleka ga bana. Ke go seleka ga batswadi. Batswadi ke baseleki, yeo ke nneta, ba dumelala digotlane tša bona go dira ka mokgwa wola.” Ba hloka . . .

²²⁶ Gore, wena, o dirile eng? O beile kgatišobaka ya *True Story* mo tafoleng ya gago, sebakeng sa Beibele. Sebakeng sa dikopano tša thapelo, le kitimetše ntle felotsoko le go dira se sengwe gape. Ke seo e lego bothata ka lefase lehono. Ke seo e lego bothata ka ba rena ba bitšwago Bakriste; ba bina, diphathi, le go nwa ga leago, le, oo, se sengwe le se sengwe. Le a bona? Ke go seleka ga motswadi, e sego go seleka ga ngwana. Motswadi o a seleka. Yoo ke yena. Hlokombelang.

²²⁷ Ke rile, “go diregile eng, mohlomphegi?” Ke rile, “O eme fa. Re banna ba babedi bao ba sa nkago ba kopana pele, bophelong. Wena o . . .” O rile o be a le bogolo bja mengwaga ye masomešupa le metšo, a no dira seo ka thoko. Ke rile, “Ke nna modiredi.” Gomme ke rile, “O emela melao ya setšhaba ya naga. Ke emela melao ya boitshwaro ya naga.” Gomme ke rile, “Bjale, ge yo mongwe a robile melao ya gago ya setšhaba, go diregile eng? O ba lahlela kgolegong, a ga se o? O ba romela thwi kgolegong ge ba robile melao ya setšhaba.”

O rile, “Yeo ke nneta.”

²²⁸ Ke rile, “Ge ba roba melao ye ba ya heleng.” Ke rile, “Moahlodi wa go loka yo . . . Modimo, godimo ga Lentšu la Gagwe . . . Yona melato e theilwe godimo ga melao ya setšhaba.

Gomme ge ba hwetšwa ba obile, gona ga se gona eupša kotlo go lefa. Gomme molao e ka ba ofe woo o se nago kotlo go ona ga se molao. Nnete.” Ke rile, “Go oba molao wa Modimo, Lentšu la Gagwe, ke karogano ya Gosafelego go tloga Bogoneng bja Gagwe.” Ke rile, “Bjale o bona moo re lego.”

O rile, “Morena a go šegofatše. O rera kae?”

Gomme ke rile, “Feela mogohle ke kgonago go hwetša mojako o butšwego.”

²²⁹ Ke lena bao. Le a bona? Feela mokgalabje wa mengwaga yela, le a bona, gomme go no e bona mo nakong yela. Oba melao ya Modimo, e lego Lentšu la Gagwe, gomme o tlometšwe hele. Ke sohle se lego go yona. Direla Modimo bjale.

²³⁰ Re tla ka go Mmušo wo ka kolobetšo ya Moya wo Mokgethwa. Gomme ge re etla ka Fale, e sego moitiramodumedi. Ba bangwe, ga ke . . .

²³¹ Bjale, wena, o se—o se tliše se monaganong wa gago, “Bjale, Ngwanešu Branham ga a dumele gore o bolela ka maleme.”

²³² Ke a dumela le bolela ka leleme. Eupša nno ba lebelelang ba go bolela ka maleme, gomme ba se ne Ona. Lebelelang go . . . Lebelelang ka tsela ye ba itshwarago le ka tsela ye ba dirago. Le ka bolela ga ba ne Ona. Le a bona?

²³³ Lebelelang dikereke lehono, ba re, “Ke rena Kereke.” Ye nngwe le ye nngwe ya tšona, “Ke rena Kereke.”

²³⁴ Go ne Kereke e tee e nnoši, gomme yeo ke Mmele wa Kriste wa sephiri. Ge o eba ka Fale, o kolobeleditšwe ka Fale ke Moya wo Mokgethwa, gomme O fetola bowena bja gago ka moka.

²³⁵ E segó kgale kudu. Ke tla bolela se, feela mabapi le se sengwe se tlago ka monaganong wa ka. Mosadimogatša le nna, selemo sa go feta, ke tla gae, go tšwa go ye nngwe ya dikopano. Re ile go hwetša krosari. Re hreditše ba—ba basadi ba apere sekhethe. Go be go le selo sa go tlaba ka nageng ya gešo. Bohle ba a ponoka. Kafao, gona, re bone basadi bale. Yena . . . Gomme re lemogile ba bangwe ba bona basadi go—go ba ba le go opela ka dikhwaereng ka dikerekeng fa. Gomme o rile, mosadimogatša wa ka o rile, “Billy, ke eng e dirago bona basadi . . .” O rile, “Gobaneng—gobaneng ba dira seo?” O rile, “Batho ba rena . . .” O rile, “O makala gobaneng?”

²³⁶ Ke rile, “Ga re—ga re—ga re seo. Ga re ba mmušo woo.” Gomme o rile . . . “Gabotse,” Ke rile, “ga se bona mohuta wa batho ba rena.”

²³⁷ Gomme o rile, “O ra go reng?” O rile, “A ga re Maamerika?”

²³⁸ Ke rile, “Oo, aowa. Aowa, mohlomphegi.” Ke rile, “Ke ya Jeremané, ke hwetša moyá wa Sejeremané, moyá wa bosetšhaba. Ke ya ka Sweden, ke hwetša moyá wa Swedish. Ke ya ka India, ke

hwetša moya wa bosenšhaba. O tla ka Amerika, o hwetša Ricky, mohuta woo wa moya, oo, matsebatšohle.”

²³⁹ Ba šetše ge ba etla go naga ye nngwe. Go go dira o belekege ebile go nagana o Moamerika, ka tsela ye ba itshwarago. Yeo ke nnene. Ke batho ba go itshwara gampempe, batho ba mereba kudu, ba go ikema, dirutegi tša ditseketske. Yeo ke nnene. Gomme lefase le lengwe le a e tseba. Ga go makatše, re leka go reka segwera sa rena ka ditolara tša rena. Ga o reke segwera. Bjale, go ne tsela . . . Setšhaba sa rena se bodile go fihla medung. Yeo ke nnene. Ga go na kholofelo go sona. Sohle se ile. Go ne selo se nnoši go se lebelela, go Tla ga Morena. Ya.

O rile “Gabotse, a ga re Maamerika?”

²⁴⁰ Ke rile, “Aowa. Re phela fa. Re phela fa. Ga go na . . .” Ke rile, “Gabotse,” ke rile, “o a bona, batho bale ke Maamerika. Ba ne moya wa Amerika. Ba dira boka Hollywood, ye e bušago Amerika: go apara ga gagwe, fešene ya gagwe, modimogadi wa gagwe, le go ya pele. Seo e no ba tlwa se ba se dirago. Bjale,” ke rile, “bona ke Maamerika. Rena re tšwa Godimo. Basadi ka kerekeng ya rena, ga ba dire seo. Ba phela bokgethwa, go hlekwa.”

²⁴¹ O tšeа mosadi yoo a aparago wona mohuta wa diaparo, gomme a ye ntle mokgotheng. Ga ke kgathale o leka go phela maitshwaro gakaakang, mo bofelong bja lebaka, o ya go bitšwa seotswagadi. Ge monna e ka ba mang a go lebelela, gomme a go kganyoga, gomme o tlišitše phereo go yena, o ne molato wa go dira bootswa. Jesu o boletše bjalo. O ka no ba go hlweka go monnamogatša goba lesogana la gago, ka mo o ka kgonago. Eupša ge o apara ka mokgwa wola gomme modiradibe tsoko a go lebelela, o ya go arabela, mo Letsatšing la Kahlolo, gomme o ithekišitše wenamong.

²⁴² Hlwekišang, basadi. Etlang morago go Modimo. Yeo ke . . . Ga ke kgathale se ba se bolelago ka lena. Eyang morago go Modimo.

²⁴³ Basadi ba be ba fela ba bewa go kokwane. Ke yena lerapomokokotlo la setšhaba. Gomme bjale o go kae? O ipaketše yona godimo ga gagwemong. O tšewa bjalo ka . . . Ebile ga ba role dikefa tša bona, go bolela le bona, goba selo gape. E no ba seemo seo. Ba tla dira eng? E itlišitše go bonabeng.

²⁴⁴ Gobaneng e thomile? Ricky tsoko ka morago ga phuluphithi, ka mohuta tsoko wa boitemogelo bja seminari, segogwakanko sa mokgatlo tsoko, sebakeng sa monna wa Modimo go tšeа Lentšu lela le go ba rathaganya ka diripana ka Lona. Nnene. Ke seo re nago le sona ka kerekeng.

²⁴⁵ Modimo, gaogela. A re yeng go Mmušo wo. A re yeng go fao re ka hwetšago le go phela ka morago ga Mmušo woo, gona dikgopolo tša lena—tša lena ke tše kgethwa. Dilo tša lena, dikgopolo tša lena, di Godimo, moo bohwa bja lena bo phelago.

A re inamišeng dihlogo tša rena.

²⁴⁶ Ka tlhokofalo, ke le botšiša potšišo ye. Ba bangwe ba lena ebile ba ka no se bowe bosegong bjo. Ye e ka no ba nako ya mafelelo ya go tsoge go le bona mo lefaseng. Jesu a ka tla pele ga bošego. Go ka no ba tshenyego pele ga bošego. E ka direga, le a tseba, nako efe kapa efe, ya go Tla gola ga sephiri ga Kereke.

²⁴⁷ Le re, “Ngwanešu Branham, nakwana ya go feta, ge o rile, ‘Kereke e ka no sepela gomme re ka se tsebe?’” Oo, ee. Beibele e a e bolela. Aowa, ba ka se tsebe selo ka yona. Ke go Tla ga sephiri. O tla mo sephiring le go utswa Kereke ya Gagwe. O A e tšeа, boka puku ke e badilego nako ye nngwe, ya Romeo le Juliet. Le a bona? O tla go Mo tšeа, ga a gona a tsebago selo ka yona.

²⁴⁸ Lefase le tla re, gabotse, ba babedi goba ba bararo go tšwa go ye, ba re, “Gabotse, yo mongwe o lahlegile bošegong bja go feta.” Gomme kgole go kgabaganya naga, ba babedi goba ba bararo gape. Ke seo A rilego se tla direga. “Oo, ba ile felotsoko. Bona . . . Mosetsana tsoko o dirile phošo. O tšhabile. Monna tsoko, o tšhabile, mosadimogatša wa yo mongwe gape.” Ba Hlatlošitšwe. Gomme ga ba tsebe selo ka yona. Makgolokgolo a bona ba a sepela tšatši ka tšatši, gomme ga ba tsebe selo ka yona. Le a bona?

²⁴⁹ Pele ga nako yeo e direga, a o ka se lokiše le Modimo? Ke swanetše go kopana le wena kua Kahlolong. Ke a go rata. Ga ke kgadimotše batho ba Pentecostal gobane . . . Ga ke tsoge ka tla magareng ga lena go ba morwalo go lena. Ke tla gobane Modimo o nthomile. Ke tla ka Leina la Morena Jesu. A nkile ka ke ka le botša e ka ba eng ya phošo? A go ne e ka ba ofe wa baetapele ba lena a kilego a tsoga go leka go mpotša ke be ke le phošo? Ke tla ba kgopela go e netefatša. Ba tseba bokaone go feta seo. Go lokile. Bjale, lena le . . . Bontši bja lena le bile ka dikopanong. Gomme le a tseba gore nkabe ke se ka bolela se, mosong wo, ntle le ge ke tsebile toropokgolo ye e se hlokile. E gohlegohle go neelwa go ditšila le togotogo. Le hloka Kriste.

²⁵⁰ A le ka rata go amogela Mmušo wa Modimo wa kgonthe, moo bowena ka moka bo fetolwago; o a fetolelwā gomme o dirwa sebopša se seswa; go khukhuša ka moka ga Bophelo, ga Bophelo bjo Bosafelego, go ka go wena; dilo tša lefase di hwile? Ga ke ye go le kgopela go tla go aletara e ka ba efe. Ke ya go le kgopela bakeng sa go hlomoga ga lena. Ge ka kgonthe le hlologelwa, gomme le nnyaka go rapela, ge ke tswalela tirelo, phagamiša seatla sa gago, o re, “Nthapelele, Ngwanešu Branham.” Modimo a go šegofatše. Gabotse, e ka ba phesente tše masomesenyane.

²⁵¹ Tatawešo wa Legodimong, bjalo ka ge ke lebeletše tlase feela pele ke tswalela mahlo a ka, Morena, gomme ke bone kgatišo fa, papatšo ye ka pampiring, “kanegelo ya Tony Fontane,” meririmehubedu, dikekišo, a bina godimo ga sefala, mmino, basadi ba go apara bohlaswa, banna.

²⁵² Jesu o rile, "Le tšwetše go bona eng ge le ile go bona Johane; monna ka diaparo tše boleta, kholoro ya go retollwa, le go ya pele? Aowa." O rile, "Ba ka dintlong tša magoši. A le ile go bona le—le lehlaka le šikinywa ke phefo; mang kapa mang a ka go nyaka mokgatlo o neelanago ka se sengwe bokaone gannyane go phala wo mongwe, gomme o tla ya go ona? E sego Johane. O be a se lehlaka le šikinywago ke phefo. Ga se nke a itšimeletša go e ka ba efe ya dilo tša lena." O rile, "Le tšwetše go bona eng, gona, moprofeta?" O rile, "Ke re go lena, kudu go feta moprofeta."

²⁵³ Tatawešo Modimo, re lemoga gore ga go dikholofelo di šetšego bakeng sa kereke mokgatlo. E ile, Morena. E be e le kgahlanong le thato ya Gago, mo mathomong. Ga go na kholofelo bakeng sa setšhaba. Se ile.

²⁵⁴ Re šetše re bone, setšhaba se, feela phethene ya go phethagala ya Israele. Kafao ge Israele e etla ka go nagalegae ya bona, le—le go rakela badudi ntle, bjalo ka ge re tsene gomme re raketše Maindia a Amerika ntle. Le ka fao ba bilego le banna ba bagolo matšatšing ale: Dafida, Solomone, Joshua. Le rena re dirile bjalo go tseneng le go rakela ntle badudibasetlogo, gomme ra beakanya naga ya rena, ekonomi ya rena, godimo ga tokologo ya bodumedi, ge re ka be re tlenngwe ka dithutotaelo le dilo. Re bile le banna ba bagolo, Washington, Lincoln. Eupša, mafelelong, ge mengwaga e ile, mafelelong ba kgethile Ahaba yoo a bilego le Isebele wa go pentiwa yo a beago difešene tša lefase. Kafao re dirile bjalo le rena sona selo sa go swana. Gomme bjale re bona selo sa go swana se direga. Mo letšatšing lela, le bile le Eliya go ema le go se sola. Oo, ka fao ba ilego ba mo hloya, eupša o—o eme. Segalontšu sa gagwe se tla be se eme Letšatšing la Kahlolo.

²⁵⁵ Gomme, Tate, re romele Eliya. Re romele Segalontšu sa Beibele, Segalontšu sa Modimo, gomme o Se hlatsela. Gomme netefatša gore O Modimo, gore O dira go swana maabane, lehono, le yo ya go ile, gore batho ba ke ba tsebe. Ntle le tikatiko, ba bona gore ke Therešo. Gomme anke batho . . .

²⁵⁶ Boka mosadi yo monnyane mo sedibeng, o be a hlakahlakantšwe ka go mehuta yohle ya selo, eupša ge Seetša sela se pantše go kgabaganya tsela ya gagwe ye nnyane yeo a bego a sepela go yona, o bone se sengwe. Ga se nke a hlwe a eba go swana gape. O tlide Mothopong woo a sa nkago a ke a o etela pele.

²⁵⁷ Efa, Morena, lehono, gore ba bantsi lehono ba tla bona gore go ne Mothopo o bulegile, gomme Lentšu la Modimo le sa ne maatla go yo mongwe le yo mongwe yoo a tla dumelago le go Le amogela. Diatla tše dintši di ile godimo, Morena Jesu. Ba hloka ka go hlomoga. Ke a dumela ba e ra. Go thata ke nagane gore—gore batho ba ba lekago, gomme ba tlide ka go mosepelo wo wa Pentecostal, gobane ba tšwile ntle ga difešene tše le dilo, gomme ba bone go be go se selo go bona. Gomme ba tla thwi ka fa,

go ikhwetša bonabeng ka go mohuta wa go swana wa togotogo ya—ya Hollywood, mohuta wa go swana wa lenaneo la thuto, batsebalegi, bjalo ka ge re ba bitša mo lefaseng, Morena. Oo, ka fao... Modimo, ba thuše. A O tla, Tate?

²⁵⁸ Gomme ke—ke dumela gore ba be ba ka se kgone go phagamiša seatla sa bona, ntle le ge go be go le Sengwe fale go ba dira go phagamiša diatla tša bona. Go ne Moya go ba dikologa. Gomme banna le basadi ba, diphesente tše masomesenyane tša bona, mohlomongwe, Morena, gore ba lemoga gore go ne se sengwe sa phošo, gomme ga—ga ba e nyake ka tsela yeo. Gomme bjale, go ya ka saense, ba ka se kgone go phagamiša seatla sela; maatla a lefase a swarela seatla sela fase. Eupša ba kgona go nyatša saense, gobane ke batho gomme ba ne moyo woo o kgonago go laela seatla sela go tla godimo, gomme se tla tla godimo.

²⁵⁹ Gomme, Modimo, O tlabaketše motho kudu ka... tokelo ya go kgetha, go dira diphetho tša gagwe mong. Gomme bjale go ne Moya o eme hleng ka thoko ga bona woo o ba botšago gore wona moya woo ba bego ba o rapela tikologong o be o fošagetše, gomme ba nyaka sephetho. Gomme Moya wo o lego tikologong ya bona, Moya wo Mokgethwa, o ba dira ba phagamiše diatla tša bona le go re, "Mphe Modimo." Morena, O tseba dipelo tša bona. Ke a rapela gore Moya wo Mokgethwa o tla tsena o kitima, boka letamo le thibologile felotsoko, gomme ditetelo tše di bolokilwego tša Moya wo Mokgethwa di kitimago di tla phediša disoulo tša bona ka Mollo wa kgonthe, wa lerato la Modimo le tuka fale, bakeng sa batho ba hwago; e sego bakeng sa mokgatlo, eupša bakeng sa batho ba hwago; e sego bakeng sa dipolitiki, bjalo ka ge ba bona lefase la mokgatlo le šwalalana. Ba bona lefase la politiki le šwalalana. Gomme le... Ya bona U.N., palune ye kgolo ya rabara yeo e kgoromeletšwago gohle ke phefo ye nngwe le ye nngwe ya—ya thuto ya politiki, e kgoromeletšwa ka tsela ye nngwe le ka tsela ye nngwe. Gomme, O Modimo, ba bona... khansele ye ya dikereke bjalo ka ge ba e bitša. Ba a bona e ba iša thwi ka go molaba, Morena, boka segokgo se loga bolepu.

²⁶⁰ Modimo, anke Pentecost e phafoge, ka pela, Morena, ge e sa le nako ba ka kgona go phafoga. Phafoga toropokgolo ye nnyane ye fa, Morena. Phafoga basadi ba bao ba dutšego fa. Phafoga banna ba. Anke o se e dumelele go feta kgauswi, Morena.

²⁶¹ Boka kereke ya Katoliki, e phafogile ka morago ga Mokgethwa Patrick. Boka kereke ya Sejuda, e phafogile morago ga Eliya, nako yeo e kgabišitše lebitla la gagwe. Boka kereke ya Katoliki, e phafogile ka morago ga Joan wa Arc. Ga se ba e tseba ge e be e kgatlampana. Eupša morago ga ge e sepetše, gona ba lemogile. Boka kereke, e phafoga morago ga ge Jesu a bapotšwe. Thari kudu, nako yeo. Ba šetše ba e dirile.

²⁶² O Modimo, phafoša Pentecost. Ke a ba rata, Morena. Ke bona batho... Ba—ba thuša go fepa bana ba ka. Morena Modimo, anke ba tsebe gore Molaetša wa Modimo ga wa swanelo go tšwa mokgatlong goba dikgaong tša bona. O tsoša se O se nyakago. O Modimo. Sikinya disoulo tša bona mosong wo, Tate, gomme ba buše morago go temogo gore Jesu Kriste o a swana maabane, lehono le go ya go ile. Gomme bjale re dutše ka Bogoneng bja Gagwe, ka mafelong a Magodimong, re phagamišeditšwe godimo ke Lentšu. Ke ba Gago, Morena. Dira ka bona ka moo O bonago go swanetše. Ke ba neela go Wena, bjalo ka diala tša Molaetša, Leineng la Jesu Kriste. Amene.

²⁶³ Ke a Mo rata. A le a Mo rata? [Phuthego e re, "Amene."—Mor.] Ge kgaetšedi wa rena a ka re fa khote, "Ke a Mo rata. Ke a Mo rata." A le mpefeletše? ["Aowa."] Ge le le, etlang fa gomme le šikinye seatla sa ka, gomme anke re rape leng. Le a bona? Ke le boditše Therešo, Therešo ya go hwa, ya Ebangedi. Letšatši le lengwe le ka lemoga seo. Le se e lese go ba thari kudu. A re ka ema, feela nakwana?

Ke a Mo rata,...

A le e dirile? Phagamišang diatla tša lena.

...Ke a Mo rata
Gobane O nthatile pele
Gomme a lefela phološo ya ka
Godimo ga Khalibari.

²⁶⁴ Bjale, Methodist obeletša godimo go Baptist, oneness obeletša godimo go thrinithi, gomme church of God obeletša go Assemblies. Yo mongwe le yo mongwe wa rena, ge re opela ye, bolela ka tlhokofalo, "Ke a go rata, ngwanešu, kgaetšedi. Ke tla go rapediša. O ngwanešu wa ka, kgaetšedi." A re e direng gape bjale.

Ke...(. . . ? . . .)
Gobane O nthatile pele
Gomme a lefela phološo ya ka
Godimo...

²⁶⁵ Bjale, Assembly of God, etla o lebelele go Ye, ka morago, gomme ka gona o sokologe. Rapediša mokgatlo wa geno, goba etšwa ka go tšhila ye bjalo ka yeo. Assembly of God e ne banna ba kgontha ba bomodimo ka fale. Ke a ba tseba. Oneness e ne banna ba kgontha ba bomodimo magareng ga bona. Yeo ke nnete. Church of God e ne banna ba kgontha ba bomodimo. Baptist, Methodist, ba ne banna ba bomodimo. Eupsa ke ditshepedišo tseo di thibelago batho ba babjalo, digogwakanko go tshepedišo.

²⁶⁶ "Ke..." A re phagamišeng diatla tša rena bjale go Yena re mo ratago. "Ke..." Pelo ya gago yohle bjale, "ke a Mo rata."

Go lokile. Ngwanešu Demos.



LEFASE LE A ŠWALALANA NST63-0412M
(The World Is Falling Apart)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mosong, Aporele 12, 1963, go difihlolo tša Full Gospel Business Men's Fellowship International ka Western Skies Motel ka Albuquerque, New Mexico, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org